

說文解字義證

說文解字第六 義證第十七

曲阜桂馥學

𣎵 築牆長版也從木𣎵聲春秋傳曰楚圍蔡里而𣎵代昨

切

築牆長版也者本書論築牆短版也集韻築牆版之大者
急就篇榦植板栽度圖方顏注板牆板也栽築牆也莊二
十九年左傳水昏正而栽注云於是樹板幹而興作榦案
月令問荅傳曰水昏正而栽築栽築者栽木而始築也馥
謂栽當作栽定元年左傳孟懿子會城成周庚寅栽杜云
栽設板築倍三十年傳朝濟而夕設版焉杜云版築襄二
十三年傳陳人城板隊而殺入杜云慶氏忿其板隊遂殺
築人中肅故栽者培之注云栽讀如文王初載之載栽猶
植也今時人名草木之植曰栽築牆立版亦曰栽漢書黔
布傳身負版築以爲士卒先李奇曰版牆版也築杵也考
工記匠人凡任索約大汲其版謂之無任注云築防若牆
者以繩縮其版大引之言版橈也版橈築之則鼓土不堅

幾石楊氏聚

矣檀弓今一日而三斬版注云板蓋廣二尺長六尺通鑑
韓游瓌築豐義城二版而潰注云城二尺為一版春秋
傳曰楚圍蔡里而裁者哀元年左傳文彼云楚子圍蔡報
柏舉也里而裁注云裁設版築為圍壘周而去蔡城一里

築 擣也從木筑聲 陟玉切

廣雅築謂之杵 三蒼解詁築杵頭鐵杵也 宣十一年左
傳稱畚築正義畚者盛土之器築者築土之杵司馬法犂車
所載二築是也 史記秦始皇本紀身自持築甬正義築牆
杵也 燕書昌黎大棘城河岸崩出鐵築杵頭一千七百七
十四枚

擣也者本書擣築也釋名築堅實稱也太康地記梁孝王
築睢陽城以教唱和節杵而下干寶晉紀李豐來辭不遜
左右以刀環築腰或南燕錄妖賊王
始臨刑猶有狂言刑者以刀鑲築之

管 土古文

從土管聲本書管
厚也言築之宜厚

人木

築牆耑木也從木執聲

古案切

玉篇植榦築垣版也顏注急就篇榦植築牆之植木謂豎

立者也法言五百篇然後知榦植之克立也注云榦植築

牆版之屬也太元廓次二金榦玉植廓於城漢志上郡

榆林縣注曰植榦下寶搜神記代城始築立板榦一日

西南板四五十里於澤中自立水經注灤水云又東

北流逕代城西盧植言初築此城板榦一夜自移於此

築牆耑木也者宣十一年左傳平板榦杜云榦植也正義

釋詁云植榦榦也舍人曰植正也築牆所立兩木也榦所

以當牆兩邊榦土者也彼植為榦故謂榦為植謂牆之兩

頭立木也板在兩旁臥榦土者即彼文翰也莊二十九年

正義榦在牆之兩端樹立之即植是也翰則在兩邊榦上

即榦是也書費誓峙乃植榦甲戌我惟築傳云題目植旁

曰榦馬云植榦皆築具植在前榦在兩旁馭案兩旁者乃

榦非榦也榦在兩頭又案李善注魏都賦及盧諶答劉琨

詩並引作本也疑本書有本也二字寫者失之三蒼榦枝

榦也成十三年左傳晉侯使卻錡來乞師將事不敬孟獻

子曰卻氏其亡乎禮身之榦也敬身之

基也卻子無基釁謂此皆與本義合



榦也從木義聲

魚羈切

榦也者釋詁文彼作儀



蓋也從木茸聲杜林以為椽桷字

古后切

蓋也者玉篇構架屋也書大誥若考作室既底法厥子乃弗冑堂矧冑構傳云子乃不冑為堂基況冑構立屋乎漢書翟方進傳子思若考作室厥子堂而構之顏注父有作室之意則子當築堂而構焚燎以成之許注淮南大構架與宮室雞棲非榦云皆屋構飾也宋書武帝紀可改構榦桷脩飾丹青



法也從木莫聲讀若嫫母之嫫

莫胡切

木書照下云或說規模字從大卅數之積也林者木之多也

法也者昭二十三年左傳取其冠法杜云送作冠模法尙書大傳績乎其猶模繡也注云模所栳文章之範論衡物勢篇今夫陶冶者初埏埴作器必模範為形

棟

棟名從木孚聲

附柔切

棟名者徐鍇本作眉棟名錯曰創櫨同也廣韻齊人云屋棟曰桴也釋宮棟謂之桴郭云屋桴西都賦荷棟桴而高桴乃飾李善注重桴重棟也景福殿賦重

棟

極也從木東聲

多貢切

易上棟下字淮南記論訓上棟下字高注屋桴也一切經音義七山東呼棟為桴魯語不厚其棟不能任重准南說山訓郢人有買屋棟而人與之車轂跪而度之大雖可而長不足也

極

棟也從木亟聲

渠力切

極也者一切經音義六引作屋極也玉篇同趙宦光曰棟最上一層曰極謂之脊桁

樂府吳趨行重樂承游極西京賦時游極於浮柱薛綜注三輔名梁為極漢書枚乘傳單極之統斷幹孟康曰西方人名屋梁為極後漢書祭茂傳夢坐大殿極上注云極殿梁也馬融梁將軍西第賦騰極受檣陽馬承阿韋仲將

說文解字義證

卷十七

三

連筠籟叢書

景福殿賦
叢楹負極

棟也者李善注七命引同徐鍇曰案極屋脊之棟也今人謂高及甚為極義出於此一切經音義一棟正言棟居屋中也亦言梁或言極莊子則陽篇其鄰有夫妻臣妾登極者釋文極屋棟也漢書天文志音義李奇曰極棟也三輔聞名棟為極

柱

楹也從木主聲

直主切

釋名柱住也

漢書成帝紀腐木不可以為柱

列女傳夫

柱不正則棟不安棟不安則楹橈墮橈橈墮則屋幾覆矣

楹

柱也從木盈聲春秋傳曰丹桓宮楹

以成切

李尤楹銘榦強體正雖重不移上下相安高而不危釋名楹亭也亭亭然孤立為無所依也齊魯讀曰輕輕勝也孤立獨處能勝任上重也

柱也者廣雅楹謂之柱昭元年左傳叔孫指楹曰雖惡是其可去乎杜云楹柱也明堂位殷楹鼓注云楹謂之柱後漢書班固傳彫玉璜以居楹注云楹柱也春秋傳曰丹桓宮楹者莊二十三年經文杜云楹柱也



衰柱也從木堂聲

切丑庚

廣雅棟柱竝云距也或作楨論語申楨釋文引史記作棠漢碑亦作棠史記小司馬本作堂

衰柱也者李善注長笛賦引作柱也方言楨隨也注云楨柱會相隨也俗作撐長門賦離樓梧而相撐李善引字林撐柱也又作穿寧光殿賦枝穿奴



柱砥古用木今以石從木耆聲易曰楨恆凶

章移切

字書楨柱屋之敬釋言楨柱也郭云相撐柱釋文云楨說文作楨柱說文作柱皆從木旁通作支周語引詩天之所支不可壞也其所壞亦不可支也韋注支柱也通鑑漢章帝南巡命司空支柱橋梁柱砥者一切經音義十六引作柱下也古用木今以石者周易音訓引云砥石古用木今以石尚書大傳士大夫

說文解字義登

卷十七

四

連筠移叢書

有石材庶人有石承注云石材柱下質也石承當柱下而
已不出外為飾也易曰楷恆凶者徐錯曰周易恆卦上
六振恆凶王弼云振動也今許慎
言楷則孟氏所注易文故不同

構櫨也從木咨聲
切

子結

徐錯曰爾雅櫨謂之橐謂梁上短柱上承屋脊者管仲山橐
藻稅益刻此柱為山形畫兩旁枝梧木為水藻之文今尚謂
此短柱為屋山也橐者直立之意續漢書輿服志諸侯陪
臣山橐藻稅吳都賦雕樂鏤橐韋仲將景福殿賦橐稅
鱗櫨通作節任預益州記文羽學堂樂櫨椽節制猶古
櫨靈光殿賦雲節藻稅張載注雲節畫雲氣為山節也
櫨櫨也者本書開門櫨櫨也漢書敘傳云橐稅之材不荷
棟梁之任顏注橐即櫨櫨所謂櫨也靈光殿賦白鹿子規
於櫨櫨五臣云櫨柱頭也櫨斗也法言學行篇吾未見好
斧藻其德若斧藻其橐者歟注云橐櫨也明堂位山節藻
稅注云山節刻櫨櫨為山也論語山節藻稅包注節者櫨
也皇侃義疏櫨是梁上柱名也山節者刻柱頭露節為山
如今棋斗也又一本注云
山節者刻櫨櫨為山也

櫨

壁柱從木薄省聲

切

壁柱者徐鍇曰即壁中小柱西京雜記謂之壁帶班固西都賦謂之落帶所謂落帶金釭也今人謂之壁間柱通作薄漢書王莽傳為銅薄櫨顏注薄櫨柱上相即今所謂櫨也或作櫨淮南本經訓制林櫨櫨廣雅櫨謂之相

櫨

柱上相也從木盧聲伊尹曰果之美者箕山之東青

鳧之所有櫨櫨焉夏孰也一曰宅櫨木出弘農山也

落胡切

柱上相也者李善注魏都賦甘泉賦長門賦靈光殿賦景福殿賦並引作柱上相也一切經音義十四引作櫨櫨柱上相也又云三蒼柱上方木也山東江蘇皆曰相自陝以西曰櫨急就篇櫨櫨櫨瓦屋梁顏注櫨櫨柱上之相也自陝以西呼之為櫨木書相屋櫨也蕭該漢書音義引字林櫨櫨柱相也靈光殿賦狡兔踰伏於櫨側五臣云相斗上橫木高注淮南本經訓櫨相也櫨柱上相即梁上短柱也徐鍇曰今謂草木枝端華房之蒂為相此櫨象之即今

之斗拱或通作盧釋名盧在柱端如都盧負屋之重也
 伊尹曰云云者呂氏春秋木味篇伊尹說湯以至味箕山
 之東青鳥之所有甘櫨焉通作盧史記司馬相如傳於是
 乎盧橘夏熟集解郭璞云今蜀中有給客橙似橘而非若
 柚而芬香冬夏華實相繼或如彈丸或如拳通歲食之即
 盧橘也索隱應劭云伊尹書曰果之美者箕山之東青馬
 之所有盧橘夏熟廣州記云盧橘皮厚大小如甘酢多九
 月結實正赤明年二月更青黑孰吳錄云建安有橘冬月
 樹上覆裘明年夏色變青黑其味甚甘美盧即黑色是也
 馥案漢書注引應劭亦作青馬文選注引作青鳥三都賦
 序云相如賦上林而引盧橘夏熟考之果木則生非其壤
 從征記青峴沙嶼一名小峴木多櫨杏一曰宅櫨木出
 弘農山也者集韻引木下有名字徐鍇曰一曰宅櫨木出
 經所載也馥案宅或作托王篇托托櫨也集韻托櫨木名

𣎵 屋櫨也從木𣎵聲 古今切

廣韻栢承衡木也 漢書楊雄傳擊薄櫨而將榮顏注薄栢
 也 莊子齊物論似栢釋文栢音雞又音肩字林云栢上方
 木也簡文云櫨櫨也 靈光殿賦曲榑要紹而環句李善云
 蒼頡篇曰栢柱上方木 古文苑栢梁臺詩柱栢櫨櫨相枝

持 韋仲將景福

賦 枅栢綺錯

屋櫨也者趙宦光曰柱頭櫨上棟之幾管也枅櫨上棟下

與櫨同用不同體櫨管柱頭枅櫨上棟枅櫨相櫨相櫨者其用同

也淮南主術訓短者以為朱櫨相櫨處精神訓素題不相

高云不相者不施櫨櫨曰櫨者高注淮南云枅音雞



櫨也從木劉聲詩曰其灌其櫨

良薛切

詩曰其灌其櫨者大雅皇矣文傳云櫨櫨也陸璣疏云果

如榆也木理堅割而亦可為車轆釋木櫨櫨郭云樹似櫨

櫨而原小子如細栗可食今江東呼為櫨栗內

則芝櫨浸根馥案此櫨字當依玉篇欠於櫨字上



屋枅上標也從木而聲爾雅曰櫨謂之櫨

如之切

屋枅上標也者文選王命論注引作枅上梁竈光殿賦芝

櫨櫨羅以載香張注芝櫨山節方小末為之實韻櫨梁上

柱也字或作櫨論語山節藻梲包注梲者梁上櫨也皇侃

義疏梁上櫨即是櫨櫨即係儒柱也爾雅曰櫨謂之櫨

者釋宮文郭云即櫨也西京

賦繡櫨雲櫨五臣注櫨案也

榱 榱也從木憲聲切於靳

榱也者本書榱榱屋棟也廣雅榱榱也釋名榱隱也所以
隱榱也或謂之望言高可望也或謂之棟棟中也居屋之
中也淮南主術訓修者以爲櫨榱高注榱榱也

榱 榱也從木養聲切盧浩

榱也者後漢書班固傳注引同廣雅同王篇榱榱也引楚
詞櫨榱以木櫨爲榱也通俗文屋加榱曰榱淮南本經訓
榱榱榱題高云榱榱也漢書司馬相如傳仰光榱而捫天
顏注榱榱也通作榱漢書張敞傳果得之殿屋榱榱中蘇
林曰榱榱也

榱 榱也榱方曰榱從木角聲春秋傳曰刻桓宮之榱古切

本書構下云杜林以爲榱榱字 尚書大傳其榱天子斲其
材而簷之加密石焉大夫達技士首本庶人到加 韓詩外

虞慶曰不然更日久則塗乾而椽燥塗乾則輕椽燥則直以直椽任輕塗此益尊匠人詘為之而屋壞

椽也者史記正義引同廣韻椽屋榑也釋名榑或謂之椽椽傳也相傳次而布列也晉語趙文子為室斲其椽而第之輩云

人

秦名為屋椽周謂之榑齊魯謂之榑從木表聲

所迫

襄三十一年左傳棟折榑崩僖二十六年傳室如縣罄服虔云言室屋皆發徹榑椽在如縣罄孔晁云縣罄但有榑無覆蓋

秦名為屋椽云云者爾雅釋宮釋文引同易漸卦釋文引作秦曰榑周謂之椽齊魯謂之榑桓十四年左傳釋文引周謂之椽齊魯謂之榑莊二十四年經釋文引字林齊魯謂榑為榑御覽引本秦名上有椽也二字一切經音義十六椽韻會引徐鉉本秦名上有椽也二字一切經音義十六椽榑榑椽皆一物而異名也字書榑榑也廣雅榑椽也顏注急就篇榑即椽也亦名為榑荀子哀公篇仰視榑棟注云榑亦椽也漢書司馬相如傳華榑壁璫顏注榑椽也楊雄

傳杭浮柱之飛檣今顏注檣屋椽也魏都賦檣也題檣五
臣云檣椽也雲光殿賦騰蛇蛇虺而連檣張載注檣亦椽
也有二名一日椽二日栿三日檣漢官解詁檣栿也諸侯
丹檣徐銘曰春秋刻栿宮栿又左傳栿子尾抽栿擊加三
慶封將死栿栿栿栿栿栿栿栿栿栿栿栿栿栿栿栿栿栿
椽歸為虛門之栿栿宮栿栿也以此知齊魯謂之栿也



秦名屋櫨縣也齊謂之櫨楚謂之栿從木眉聲武悲

釋名櫨眉也近前眉面之有眉也顏氏家訓勸學篇問其
造屋不必知櫨橫而稅豎也通鑑陳起三閣縣櫨欄櫨皆
以沈櫨為之注云縣櫨橫木施於前後
兩櫨之間下不裝構今人謂之挂櫨

秦名屋櫨縣也云云者李善引作櫨栿秦名屋縣縣楚謂
之櫨景福殿賦櫨栿栿栿遼周流四極李善注言以櫨栿緣
屋遼闊周市流
移至於四極



櫨也從木呂聲力舉切

櫨也者廣雅櫨栿也釋名栿旅也連旅旅也方言屋栿謂
之櫨注云即屋櫨也亦呼為連縣士喪禮銘置十宇西階

見之降不妄登 卷一 連栿移叢書

上注云
宇梠也

梠

梠也從木毘聲讀若枇杷之枇

房脂切

廣韻梠樞端連縣木也 文選西京賦 鏤檻文梠李善引幹類曰梠屋連縣也

梠也者玉篇梠屋梠也增類梠屋梠梠

梠

屋梠聯也從木遯省聲

武延切

屋梠聯也者廣韻引同又云棉屋聯棉徐鍇讀作屋聯 橋楚詞九歌擗蕙櫜兮旣張淮南本經訓縣縣房補高云 縣聯聯受雀頭箸柄者釋名梠或謂之櫜櫜縣也 縣連棖頭使齊平也上人口雷頭形似雷頭也

梠

梠也從木詹聲

余廉切

梠也者本書詹屋梠也類篇詹梠也廣雅詹梠也釋名詹 檐也按檐屋前後也明堂位復廟重檐注云外檐下壁復 安板檐以避風雨淮南本經訓棟檐檐題高云檐屋垂也 一切經音義四檐字書作欄謂屋梠也馥案廣韻步欄長

柳也景福殿賦
飛欄翼以軒翥

櫨

屋栳前也從木聲一曰櫨櫨徒含切

一曰櫨櫨者疑植字訓誤入櫨下月令具曲植籬筐注云時所以卷籬器也植櫨也一切經音義七植懸薄梓也

櫨

戶櫨也從木啻聲爾雅曰櫨謂之櫨讀若滴都歷切

戶櫨也者韻會引作櫨也徐鍇韻譜玉篇同爾雅曰櫨謂之櫨者釋宮文郭云屋栳徐鍇木下有櫨朝門三字錯

繫傳曰朝門之櫨也韻案本書闕下云閣謂之櫨櫨廟門也吳語王肯櫨而立大夫向櫨注云說云櫨屋外過墻也

唐云屋名也昭謂櫨謂之櫨櫨門戶掩陽也

植

戶植也從木直聲常職切

戶植也者一切經音義七三蒼戶旁柱曰植淮南本經訓縣縣房植高云植戶植也徐鍇曰爾雅植謂之傳傳謂之

揆注戶持鎖植也植即門戶之橫鍵所穿木也鎖所附焉故謂之揆揆者為橫杠所唐突也邵君晉瀾曰案羅子非

竟文釋名義發 卷一 連筠移叢書

儒篇爭門開拔植是植為鍵門持鎌之木也淮南主術訓
橋直植立而不動是植當為直立之木徐鍇以為橫鍵末
之詳也

植 或從置

或從置者植置聲近書金滕植壁乘珪卿注植古置字詩
商頌置我執鼓箋云置讀曰植論語植其杖而芸漢石經
作置周禮山虞植虞旗
于中司常置旗弊之

樞 戶樞也從木區聲 昌朱切

戶樞也者本書銀所以鉤門戶樞也捐門樞之橫梁官戶
樞聲也易繫辭言行君子之樞機鄭注樞戶樞也又樞機
之發釋文云王虞云戶樞也一云門曰魏志華佗傳戶樞
不朽韓詩外傳蓬戶獲牖榆桑而無樞潛夫論忠貴篇貴
威懼門之不堅而為作鐵樞卒有以敗者非門樞
朽也顏注漢書五行志樞門扇所由開閉者也

櫺 戶也從木兼聲 苦減切

戶也者疑有闕文廣韻櫺牖旁柱也集韻牖過村

樓

謂之櫺通作簾謝惠連詠牛女詩升月照簾櫺

重屋也從木婁聲

洛房切

重屋也者本書層重屋也東觀漢記公孫述造十二層樓
幽明錄郗城鳳陽門五層樓宋文帝登景陽樓詩崇堂臨
萬雉層樓跨九成梁書陶宏景築三層樓自處其上弟子
居其中賓客至其下急就篇室宅蓋舍樓殿堂顏注樓謂
重屋離樓然也釋宮陝而修曲曰樓郭云修長也月令可
以居高明注云高明謂樓觀也三輔黃圖夾橫橋大道市
樓皆重屋

張

木房室之疏也從木龍聲

盧紅切

居室之疏也者一切經音義十五引同李善注吳都賦鸚
鵡賦所引茲同疏當為解本書解門戶解窗也答顧篇龔
疏也六書故儒櫺房室之交疏也言乎其需龍疏通也七
命彤堂綺櫺傅亮感物賦鑒明月於房櫺張景陽雜詩房
櫺無行迹鮑照翫月詩蛾眉藏珠櫺李善云以珠飾疏也
易林金釵鐵疏利以避兵洛陽記洛陽城十八觀皆施元
兌之降不長登

卷一

連筠移叢書

檻鐵渠疏
雲母幌

檻

闌檻也從木盾聲

切

闌檻也者一切經音義一通俗文闌檻謂之檻王逸注楚
詞曰縱曰檻橫曰檻檻闌也今言鉤闌是也史記索隱引纂要
也亦所以防人墜墮也今言鉤闌是也史記索隱引纂要
云宮殿四面欄檻縱者曰欄橫者曰檻王篇云漢書有鉤檻
主禁苑固上林賦宛虹地於檻軒應劭曰檻闌檻也魏都
賦階檻嶙峋景福殿賦檻檻類騰蛇漢書袁盎傳百金之子
不騎衡如淳曰衡樓殿邊欄檻也通鑑元魏元叉出休於
千秋門外施木欄檻又云施於簷下階際者曰闌施於窗
牖之閒者曰檻又云唐昭宗獨坐思政殿翹一足一足踞
闌干注云闌干殿檻也字或作欄漢孟郁修堯廟碑其作
大殿前戶廉

階陞欄檻

欄

欄闌子也從木需聲

切

欄闌子也者一切經音義十四引作窗欄闌子也又云今
言窗欄車欄是也李善注曹植雜詩引作欄闌也又注曹

植贈徐幹詩引作窗闌也又注江淹擬許徵君詩曲欄激
鮮艷云欄窗闌孔也又注天台山賦彤雲斐亶以翼檻云
欄窗闌子也徐錯曰卽今人闌檻下爲橫欄也故西都賦
云伏欄檻而俯聽以板爲之曰軒通名曰檻今人言窗檻
亦是也增韻欄窗闌子窗隔也廣韻欄檻階際欄通俗文
門疏曰欄後漢書班固傳舍欄檻而卻倚注云欄檻樓上
欄楣也裴楷別傳楷營新宅欄軒疏朗謝靈運山居賦階
基同互掠欄乘闌通作幹甘泉賦據幹軒而周流兮韋昭
曰幹闌也李善
曰幹與欄同

木棟也從木亾聲爾雅曰杗廡謂之梁

武方切

棟也者顏注急就篇梁屋上梁也一名杗廡韓愈進學解
大木爲杗細木爲榑爾雅曰杗廡謂之梁者釋宮文郭
云屋大
梁也

木

短椽也從木束聲

丑錄切

短椽也者徐錯曰今大屋重
椽下四隅多爲短椽卽此也

𣎵

所以涂也秦謂之𣎵關東謂之𣎵從木𣎵聲

哀都切

所以涂也者廣韻𣎵泥鍤又云𣎵𣎵汚也出文字辨疑趙策豫讓入宮涂廁刃其𣎵欲為智伯報讐鮑云𣎵涂具也或作𣎵論語糞土之牆不可𣎵也王肅云𣎵𣎵也漢書董仲舒傳引論語顏注𣎵鍤也所以泥飾牆也襄三十一年左傳𣎵人以時填館宮室杜云𣎵人塗者正義云𣎵是塗之所用因謂泥牆屋之人為𣎵人通鑑吳元濟殺楊元卿妻予以𣎵射鄉

注云𣎵𣎵也

𣎵

𣎵也從木曼聲

母官切

本書鍤或从木

𣎵也者論語釋文𣎵塗工之器通作𣎵莊子徐無鬼篇鄧人聖𣎵釋文云𣎵木亦作𣎵李云猶塗也或作𣎵廣韻𣎵所以涂飾牆孟子毀瓦畫𣎵或作𣎵荀子禮論篇抗折其類以漫莊子以辱行汚漫我又作𣎵荀子禮論篇抗折其類以象𣎵笑番閼也注云𣎵笑猶堅也

門樞

門樞謂之棖從木畏聲

鳥恢切

門樞謂之棖者釋宮文彼無門字郭云門戶扉樞韓愈進學解棖闔居棖

門樞

門樞之橫梁從木目聲

莫報切

釋宮樞謂之梁郭云門戶上橫梁釋文云樞忌悲反或作相匹報反卑蒼云梁也呂伯雍云門樞之橫梁馥案郭注本作相傳寫謬為樞釋文兩存之聘禮公當國再拜注云樞謂之梁鄉飲酒禮主人降階上當樞北面再拜注云樞前梁也鄉射記序則物當棟堂則物當樞注云是制五架之屋也正中曰棟次曰樞前曰殿書無逸乃或亮陰鄭本作梁閭云樞謂之梁葛洪喪服變除作廬先橫一木長梁著地因立細木於上以曲就東甬以草蔽之既葬則翦去此草之拍地以短柱挂起此橫梁之著地謂之挂樞樞一名梁馥謂凡諸樞字並當為相

門樞

門樞也從木困聲

苦本切

門樞也者本書闕門樞也曲禮闔右注云闔門樞廣雅樞機闔朱也朱古困字一切經音義十七闔又作樞三蒼闔

三

連筠後叢書

蘇后楊氏果

門限也釋宮櫺謂之闌郭云門闌又云櫺謂之棧在地者謂之泉郭云即門櫺也士冠禮布席于門中闌西闕外注云闕闕也曲禮外言不入於櫺內言不出於櫺注云櫺門限也史記孫叔敖傳臣請敦闕里使高其櫺索隱櫺門限也馮唐傳闕以內者寡人制之索隱此郭門之櫺也門中櫺曰闕漢書揚雄傳天闕決今地限闕顏注天闕天門之也闕

限

限也從木肩聲

先結切

限也者本書限門楣也闕門楣也曲禮不踐闕注云闕門限也或作扶釋宮扶謂之闕郭云闕門限釋文扶郭音下結反廣雅扶砌也匡謬正俗云問曰俗謂門限為門舊何也答曰案爾雅曰扶謂之闕郭景純注曰門限也音切今言門舊是扶聲之轉耳字宜為扶而作切音

相

木閑從木且聲

側加切

木閑者本書閑闕也闕門遮也集韻祖以木為闕廣雅祖距也

槍

炬也從木倉聲一曰槍櫬也七芊切

唐律施機槍作阮葬者杖一百

炬也者本書炬槍也戰長槍也廣韻槍稍也一切

經音義四引通俗文刻木傷盜謂之槍王篇鑿宜逆槍也

廣雅疏謂之氣槍氣槍也蔡謨與何驃騎書布竹

簞如蠟毛槍頭篇槍兩頭銳也三蒼解詁木兩頭小而銳

曰槍周禮職金國有大故而用金石則掌其令注云用金

戶者作槍南樵之屬漢書楊雄傳木擁槍藥以為儲肖

蘇林曰木擁欄其外又以竹槍藥為外儲齊語挾其

槍列振鍾率云槍槍也天官書天槍兩頭兌兵書槍十分

一萬二千五百根恐揚兵縛役用宋起居注劉胡等令馬

步萬餘人樹排槍從東五道直來攻營謝靈運白理表及

經山陰防衛彰赫彭排馬槍斷截獨巷北史源賀傳多造

馬槍及諸器械通鑑爾朱天光多作木槍各長七尺繞城

布列要路其夜王慶雲万侯道各馳馬突出遇槍馬各傷

倒注云此即拒馬槍也杜佑曰拒馬槍以木徑二尺長短

隨事十字鑿孔縱橫安檢長丈銳其端以塞要路通鑑又

云隋行宮設六合板城載以槍車每頓舍則外其轅以為

見之詳之矣登 卷一 二 三 連筠篳篥等

外圍又云李希烈選騎兵尤精者為左右門槍奉國四將

貼搶攘不安貌漢書賈誼傳國制槍攘

賈誼傳國制槍攘



限門也從木建聲

其獻切

限門也者李善注南都賦引作距門也賦又云是以關門

反距杜篤論都賦懼關門之反距李注風賦頭陀寺碑引

字林鍵距門也通俗文門鍵曰締鬼谷子有內鍵篇老子

善問者無關鍵范應元注鍵拒門木也橫曰關豎曰鍵呂

氏春秋異用篇跡與企足得銘以開開取鍵也注云以節

取人鍵牡開人府藏竊人財物者也淮南人開訓其家無

筦籥之信關鍵之固繆稱訓匠人斲戶無一尺之鍵不可

以開藏時則訓修鍵開慎管籥注云鍵鎖須也開鎖筒也

管籥鎖匙也漢書司馬遷傳去鍵羨服虔曰門戶鍵牡也

通作鍵月令修鍵開注云鍵牡開牝也顏氏家訓書證篇

古樂府歌百里奚詞曰百里奚五羊皮憶別時烹伏雌吹

屢屨今日富貴忘我為吹當作炊煮之炊案蔡邕月令章

句曰鍵關牡也所以止扉或謂之剡移然則當時貧困并

以門牡木作薪炊曰郭璞爾雅序六藝之銓鍵釋文字又

作榱廣榱鍵牡也小爾雅鍵謂之鎗顏注云統篇鍵以鐵有所豎闔若門牡之屬也方言戶鑰自闔而東陳楚之閒謂之鍵周禮司門掌授管鍵注云管謂籥也鍵謂牡倍二十年左傳凡啟塞從時服虔云闔扇所以開鍵開所以塞趙策天子巡狩諸侯遵舍納鍵淮南主術謂五寸之鍵制開闔之門說苑五寸之鍵而制開闔豈材足任哉蓋所居要也漢書天文志鍵開一星近鉤鈴主管鑰謂之天鍵太元開次三關無鍵舍金管測曰闔無鍵盜入門也



榱也從木鉞聲

子廉切

榱也者戴侗曰類篇居戶牡也今信用為居榱榱案榱居聲相近陸雲與兄機書曹公器物有剔商榱或作鐵廣雅

榱鐵

也



榱也從木契聲

先結切

榱也者一切經音義九引同又云今江南言榱中國言屆榱通語也周禮玉府大喪共含玉角柶鄭司農云角柶以榱齒士喪禮曰榱齒川角柶榱齒者令可飯含通作柶廣雅柶鐵也又作榱釋典深詮解脫經有人巧以細榱出彼

粗



編樹木也從木從𠂔𠂔亦聲

楚革切

編樹木也者一切經音義十四引作編豎木也晉書音義引字林同玉篇亦作豎廣韻柵豎木立柵通俗文木垣曰柵廣雅柵謂之柵釋名柵蹟也以木作之上平蹟然也又謂之撤撤緊也說詵然緊也莊子天地篇內支盈於柴柵又達生篇云以臨牢柵李願云柵木闌也後漢書段熲傳結木為柵廣二十步長四十里遮之魏書廣陽王傳連營立柵 𠂔亦聲

者當為𠂔聲



落也從木也聲讀若他

池不切

落也者本書筆藩落也又云邑落曰聚一切經音義十四櫛又籬柵二形通俗文柴垣曰柵木垣曰柵釋名籬離也注云柴竹作之疏離離然也周禮掌固任其萬民用其材器注云其所用墜築及為藩落司險樹之林以為阻固注云樹之林作藩落也上林賦牢落陸離吳都賦剽掠虎豹之落西京賦指枳落突棘藩李善引杜注左傳藩籬也落亦

籬也漢書鼂錯傳為中周虎落注云以竹篾相連遮落之也風俗通山澤篇引書是降宅土釋之云營度夾墻之場而邑落之齊民要術引仲長子曰地落不完垣牆不牢埽除不淨皆之可也夏侯湛抵疑反耕於松落枕約安陸王碑由是傾巢舉落望德如歸唐書日本傳國無城郭聯木為柵落通鑑董卓殺何苗母棄尸於苑枳落中又云王恭兒村落深阻牆垣重複



夜行所擊者從木蒙聲易曰重門擊櫟

他各切

夜行所擊者御覽引作行夜所擊木也四書釋地何焯曰孟子集注拆行夜所擊木也本用趙氏注今皆為夜行余案陸德明左傳釋文拆以兩木相擊以行夜也說文櫟夜行所擊者亦本是行夜馥案周禮掌固畫三巡之夜亦如之注云巡行也行守者為眾庶之解惰宮正夕擊拆而比之注云夕莫也莫行夜以比直宿者挈壺氏縣壺以序聚櫟注云擊櫟兩木相敲行夜時也脩閭氏掌夜時以星分夜以互櫟者注云櫟謂行夜擊櫟司席氏掌夜時以星分夜以詔夜士夜禁注云夜士主行夜徵候者昭十三年左傳乃行國每夜駭襄二十五年傳陪臣干掖杜注掖謂行夜震兌之降之義登

三十一年傳僕人巡宮杜注巡宮行夜昭二十年傳賓將
椒杜注椒行夜山海經長蛇其音如鼓柝注云如人行夜
敲木柝漢官解詁衛尉從昏至晨分部行夜鼓也後漢張衡傳
前曰誰誰薛綜注西京賦嚴更督行夜鼓也後漢張衡傳
魯連係箭而柳城弛柝注云柝行夜木也凡此皆行夜之
證其他言行者鄭注樂記行猶視也月令虞人入山行木
襄九年左傳巡丈城注云巡行也趙策寡人始行縣又云
君至夏陽行城郭齊策孟嘗君行國秦策智伯出行水水
經注汧水云漢哀帝建平元年大司空史部長卿按行水
災新序雜事篇梁亭每暮夜竊灌楚亭之瓜楚亭且而行
瓜則又皆以灌矣凡此皆行字義周禮野廬氏若有賓客
則令守涂地之人聚櫟之鄭司農云聚擊櫟以宿衛之也
莊二十五年穀梁傳士擊柝范云柝兩木相擊荀子榮辱
篇抱關擊柝注云擊柝擊木所以警夜者東京賦故函谷
擊柝於東西注云柝守夜所擊木也西京賦城尉不弛柝
五臣云柝擊木以守更也漢書貨殖傳至於阜隸抱關擊
柝者顏注擊柝守夜擊木以警衆也漢舊儀中宮衛官城
門擊刀斗傳五夜衛士周廬擊木柝易曰重門擊柝者
紫辭傳文彼作柝鄭注手持兩木以相敲是爲擊柝守備
警戒也釋文馬云兩木相擊以行夜說文作櫟字林同漢

書王莽傳重門擊柝顏注易下繫之辭也擊柝謂擊木以守夜也

恒

亭郵表也從木亘聲

切胡官

亭郵表也者徐鍇曰亭郵立木為表交木於其端則謂之
以止過客也表雙立為桓周禮云執桓圭郵元以為若宮
室象則謂若雙立之柱也臣諤正俗如淳漢書音義曰舊
亭傳於四角而百步築上上有屋屋上有柱出高丈餘有
大板貫柱四出名曰桓表縣所都夾兩邊各一桓陳畱之
俗言桓譬如和今猶謂之和表也說文云桓是亭郵表也
東京賦云迄于上林結徒為營敘和樹表司鐸授鉅級比
也軍之正門為和樹表設牙形以表之古今注程雅問曰
亮設誰謗之木何也答曰今之華表木也以橫木交柱頭
狀若華也形似桔槔大路交衢悉施焉或謂之表木以表
王者納諫也亦以表識衢路也秦乃除之漢始復修焉今
西京謂之交午也九州要記漁陽無終山有千歲孤化為
書生謂張華華以燕昭王冢前華表木照之遂變楊慎曰
水經注立碑樹桓木桓表之桓今吳中新刻妄改為松柏
之柏六書故注之植立者曰桓雙植以為門者謂之桓門

亦謂和門亦謂華表桓和華一聲也禹貢和夷底績鄭注
和讀曰桓桓水出蜀晉地道記梁州自桓水以南為夷書
所謂和夷底績焦氏筆乘水經注和夷底績即西傾因桓
之水漢書桓東少年場注桓楹卽和表和表又轉為華表
恒譚新論隋志作華譚漢書酈商傳
攻其前垣史記音義云垣一作和

𦇧

木帳也從木屋聲切於角

木帳也者或作帳小爾雅覆帳謂之帳釋名帳屋也以帛
衣板施之形如屋也三禮圖在上曰帟四旁及上曰帷上
下四旁悉周曰帳帷大帷也周禮幕人掌帷幕帟綈綈綈之
事注云四合象宮室曰帷王所居之帳也昭十三年左傳
子產以帷幕九張行杜云帷幕軍旅之帳漢書張良傳運
籌策帷幄中禮樂志照紫帷顏注紫帷享神之帷也帳上
四下而覆曰帳漢舊儀祭天有
紺帳帳文選七命體倦帷帳

𦇧

帳極也從木童聲切宅江

帳極也者小字本作帳柱也本書崑崙帳之象從目止其
飾也玉篇引西京賦都盧尋橦橦竿也或作幘急就篇蒲

弱席帳帷幃幃顏注形如車蓋者謂之幃言其童童然也

工

牀前橫木也從木工聲

古雙切

牀前橫木也者急就篇奴婢私隸枕牀杠顏注杠者牀之橫木也亦謂之北方言牀其杠北燕朝鮮之閒謂之樹自關而西秦晉之閒謂之杠南楚之閒謂之趙東齊海岱之閒謂之梓注云趙當為桃聲之轉也中國亦呼杠為桃牀皆通語也鹽鐵論散不足篇古者無杠櫛之設牀移之案及其後世庶人即采木之杠葉華之櫛或作牕集韻牕牀下橫木

𦵏

牀前几從木呈聲

他丁切

牀前几者廣韻程牀前長几廣雅程几也方言榻前几江沔之閒曰程趙魏之閒謂之櫬鄭注既夕禮輅狀如長牀寫程前後而闕軸焉

𦵏

程也東方謂之蕩從木至聲

古零切

經程也者類篇經一日經絲具

靈石楊氏聚

東方謂之湯者類篇引作湯

床

安身之坐者從木升聲

切仕莊

本書根木可作牀凡廣韻牀實也引易遜於牀下通俗

文牀三尺五曰榻板獨坐曰坪八尺曰牀詩斯干載寢之

牀商君書人君處匡牀之上而天下治史記任安田仁

家貧同牀卧益部耆舊傳刺史每自坐高牀為從事設單

席於地高士傳老萊子枝木為牀御覽七百六引齊書紀

之上唯天子居牀其餘皆鋪幅席御覽七百六引齊書紀

僧真誥江敷坐定攷顧左右曰移吾牀遠客異苑沙門支

法存有八尺沈香板牀英雄記向謂常坐藥牀上書鈔

一百三十四引郭子云何次道詣王丞相以麈尾曜牀

呼何其坐曰此君子坐也語林簡文所坐牀生塵

安身之坐者徐鍇本作安身之几座也字鑑同初學記

引作身之安也御覽同玉篇牀身所安也顏注急就篇牀

所以坐卧也擇名人所坐卧曰牀牀裝也所以白裝載也

易剥卦剥牀以膚王肅云在下而安人者牀也在上而處

牀者人也李尤牀銘體之所安寢處之歡王觀國曰古人

稱牀榻非特卧具也多坐物王義之東牀坦腹而食庾

亮登南樓據胡牀與佐史談詠桓夷吹笛據胡牀三弄管
寧家貧坐藜牀欲寄陳蕃為豫章太守徐孺子來特設一
榻去則懸之漢沛公踞據牀使南女子洗足凡此皆坐物
也月聲者佩觸作故从月月則牀之省戴侗曰說文牀
从木月聲李陽冰曰右為片左為月徐鍇曰說文無月字
李安也按牀狀牀將戕牀皆从月聲唐本說文有月部
張參五經文字亦有之李氏未可厚非鄭漁仲曰爰也亦
判木音觸按古文偏旁月皆象為月恐非判木且左右之
分亦無義韻案本書牀象倚箸之形寢從牀玉篇牀
又音牀腹凝牀從牀省與寢同意牀人所倚箸也

𦵏

卧所薦首者從木尤聲

章狂切

論語曲肱而枕之劉向有芳松枕賦崔

瓊有柏枕銘孫惠張紘並有楠櫛枕賦
卧所薦首者者集韻枕卧首據物也玉篇枕卧頭所薦也
韻注急就篇枕所以支頭也釋名枕檢也所以檢項也易
坎險且枕鄭云

木在首曰枕

𦵏

械窗囊器也從木威聲

於非切

𦵏

𦵏

𦵏

𦵏

𦵏

𦵏

𦵏

𦵏

𦵏

𦵏

械窗與器也者呂靜謂集同本書箭室中也徐鍇曰釋名
 行清即與槽謂之清者言其穢汗當常清除之也一日穢
 寶即虎子淩器也人君謂之虎子西京雜記李廣與兄射
 獵冥山之北見伏虎一矢中之以其頭為淩器今人箭鏃
 象之為淩器亦淩器也又史記張騫傳匈奴破月支取其
 虎頭為飲器亦淩器也魏案周禮玉府掌王之燕衣服在
 席牀第几褻器鄭司農云褻器清器虎子之屬賈逵曰械
 虎子也箭行清也孟康曰廁行清箭行中受糞者也東南
 人謂繫木室中如槽謂之箭漢官儀侍中分掌乘輿服物
 下至褻器虎子之屬魏略舊侍中親省起居故俗因謂為
 執虎子箭或作脩玉篇廁行圖也木槽也廣韻廁行圖廁
 集韻廁行清受糞函也又通作脩史記萬石君傳取親中
 枹廁廁親自浣滌徐廣曰一讀
 脩為寶廁寶滂除穢惡之穴也

𦵏 𦵏也從木寶聲一曰木名又曰大梲也

徒谷切

𦵏也者本書𦵏𦵏也論語龜玉毀於楨中馬云楨𦵏也鄭
 語楨而藏之魯語使求得之金楨韋注並云楨𦵏也一
 曰木名者玉篇楨與槐同西陽雜俎武陵郡北有槐木二
 株馬伏波所種木多節又曰大梲也者徐鍇本作木枕

本書陳楚謂積為林國老談苑漢文
帝命大官每具兩櫛積謂之積倉

櫛

梳比之總名也從木節聲

阻羣切

本書傳木也可以為櫛禮記男女不同巾櫛物理論法
不明則類於細櫛細櫛則苛慝生也新序味爽而櫛冠
後漢書延篤傳曰吾嘗味爽櫛梳坐於客堂蔡邕女誠用
櫛則思其心之理也晉傳儀典櫛三人掌宮中櫛齊沐
傅咸櫛賦我嘉茲櫛慈亂好理一髮不順實以為恥雖日用
而匪懈不告勞而白已苟以理而委任期竭力以沒齒劉
氏新論貴言篇髮拙於
白理必假櫛以修束
梳比之總名也者木書篋取蟻比也髮用梳比也廣雅梳
批櫛也釋名梳言其齒疏也比言細相比也詩周頌其比

櫛如

𦘒

理髮也從木疏省聲

所蒞切

東宮舊事太子納妃有瑇瑁梳三枚象牙梳三枚高文惠
與婦書今致瑇瑁梳一枚隋書倭國傳鐵竹為梳積重

說文解字義登

卷十七

七

連筠移叢書

與山濤書頭面長一月十五日不洗非大悶痒不能梳也

理髮也者崔寔政論無賞罰而欲世之治是猶不畜梳批而欲髮之治也魏志管輅傳徐季龍取十三種物使輅射逐一名之惟以梳為批耳夢書夢梳批為解憂也蠶盡去百病愈也通作疏史記匈奴傳比余一集解云徐廣曰或作疏比也索隱云案漢書作比疏一小顏云薺髮之節也以金為之若頭篇云靡者為比粗者為疏蘇林云今亦謂之梳急就篇鏡敘疏比各異工頗注櫛之大而粗所以理鬚者謂之疏言其齒稀疏也小而細所以去蟣蝨者謂之比言其齒密比也皆因其體而立名也

𠂔 劒柳也從木合聲胡甲切

劒柳也者廣雅𠂔劒削也玉篇引莊子拾而藏之今本刻意篇作柳魏都賦蕭斧戢柯以柳刃

𠂔 薺器也從木辱聲奴豆切

齊語挾其槍刈薺薺通作薺世木垂作薺纂文薺柄長三尺刃廣三寸以剗地除草六韜農器篇夏薺田時

鉏

或從金

鉏器也者篇海引作鉏草器也廣雅定謂之耨釋器所斷
謂之定李巡曰鋤也釋名耨以鋤耨禾也易繫辭耨之
利釋文馬云鉏也孟云耘除草周禮甸師掌帥其屬而耕
耨王藉注云耨芸芽也倍三十三年左傳見莫缺耨杜注
耨鋤也韋注晉語耨耨也孟子深耕易耨注云易耨芸苗
令簡易也莊子胠篋篇耨耨之所利釋文云耨李云鋤也
或云以木為鋤柄韓非外儲說造父方耨時有子父乘車
過者請造父助我推車造父因收器何升注云耨農器也
呂氏春秋任地篇耨柄尺此其度也其耨六寸所以開稼
也注云耨所以耘苗也尺廣六寸所以入苗間也史記龜
策傳鉏之耨之徐廣曰耨除草也漢書王莽傳子之南巡
必躬啟耨每縣則耨以勸南僞顏注耨鉏也耨耕去草也

一切經音義入耨說文又作耨除田器也古今字詁林頭長
六寸柄長一尺詩臣工時乃鍤耨傳云鍤耨也莊子外物篇
鍤耨于是乎始修淮南說山訓
治國者若耨田去害苗者而已

耨

耨耨也從木入象形朋聲

切舉朱

當作入
與木不連

三禮舊圖疏上形如飯果或作權唐武后時時人語云權
惟侍御史說者謂權四齒杞也言授
官如杞齒之多又作糴集韻糴起也



兩刃雷也從木艸象形宋魏曰苜也

互瓜切

玉篇苜與鐸同鐸鑿也 胡渭曰鐸音華鑿別名俗呼鋪說
文作苜云兩刃雷也 廣雅鐸鑿也 釋名鋪插也插地起
土也或曰鐸鐸剝也剝地為坎也 顏注急就篇末手耕曲
木也今之曲杞苜鋏其遺象也 詩臣工釋文引世本垂作
銚鐸 淮南精神訓揭鐸雷高注雷鐸也 江表傳于吉杖
小雷漆畫之名為仙人鐸 續晉陽秋王談為父報讐密市
利雷刃陽若耕耘
者伺讐以雷斬之

兩刃雷也者古今字詁銀雷刃也鄭注考工記匠人云古
者起一金兩人併發之今之耜岐頭兩金象古之耜也
宋魏曰苜也者方言
雷宋魏之閒謂之鐸

器也末其柄耜其刃魏書趙瑗傳遣人買耜刃易林銷鋒
鑄耜 一曰徒上華者本書拊盛土於裡中也廣韻裡徒
土舉出六韜孟子蓋歸反藥裡而掩之注云藥裡龍雷之
屬可以取土者也丁公著音釋云裡土舉也淮南說山訓
藥成城高注藥土籠也又注修務訓云山行用藥史記夏
本紀作山行乘輦鹽鐵論昔夏后底洪水之災百姓孔勳
罷於龍雷 齊人語也者當在雷也
下方言雷東齊謂之裡廣雅裡雷也

或從里

耒

耒耑也從木台聲

切弋之

耒耑也者齊民要術引作耒耑木也玉篇同考工記車人
爲耒底長尺有一寸又云直底則利推句底則利發注云
鄭司農云耒謂耕耒底讀爲棘刺之刺耒下前曲接耜
耒下岐元謂底讀爲棘刺之刺耒下前曲接耜

鉏

或從金

耜

籀文從鉏

諺文解字義詁 卷十七

三

靈石楊氏栗

蓋摩著切交云無問耕得多少皆須旋蓋摩如法農桑輯
要齊民要術春耕尋手勞勞即到反古曰耨今曰勞說文
曰耨摩田器今人亦名勞曰摩此皆椎塊之說也徐鍇曰
謂布種後以此器摩之使上開發處復合以覆種也皇侃
論語義疏覆種者植穀之法先散後覆也管子小匡篇深
耕均種疾耨注云耨謂覆種既已均種當疾耨之鄭注論
語耨覆種也孟子播種而耨之呂氏春秋長利篇協而耨
注云耨覆種也史記龜策傳耕之耨之正義曰耨覆種也
文選長楊賦使農不輟耨五臣云耨以土覆種宋書禮志
藉田令率其屬耕竟畝灑種即耨此皆覆種之說也高注
淮南汜論訓云耨耘塊椎也三輔謂之僮所以覆種也此
兼兩說 論語曰耨而不輟者監本作耨石經五經文字
俱作 耨

耨

所也齊謂之鉷鉷一曰斤柄性自曲者從木屬聲

陟

切

所也者齊民要術引同本書斷所也釋器所斷謂之定郭
云鋤屬李巡曰鋤別名也鍵爲舍人曰所斷鉏也一名定

齊語惡金以鑄鉏夷斤鋤韋云鋤斫也管子小匡篇惡金以鑄斤斧鉏夷鉏鋤試諸木土注云鋸鋤鑽類也字或作鋤釋名鋤誅也主以誅除物根株也荀子榮辱篇所謂以狐父之戈鋤牛矢也齊謂之鋤鉏者爾雅釋文引作茲箕齊民要術引作鋤基御覽引作茲基顏注急就篇鉏去草之器也一名茲基廣雅鉏鉏鉏也周禮遂大夫簡稼器注云稼器耒耜鉏基之屬六經正誤云與國本作茲基薤氏春始生而萌之注云萌之者以茲其所其生者月令具田器注云田器鉏鉏之屬齊語挾其槍刈耨鎛注云耨茲其也孟子齊人有言曰雖有鉏基不如待時注云鉏基田器耒耜之屬一曰斤柄性自曲者齊民要術引同李陽水曰斤以鐵為刃天生曲木為柄管子霸言篇匠人有以感斤鋤故繩可得而料也考工記車人之事一宣有半謂之鋤一鋤有半謂之柯注云鋤斫斤柄長二尺爾雅曰句鋤謂之定鄭司農云蒼頡篇有柯鋤



所謂之椿從木箸聲

張略切

所謂之椿者釋器文彼作錯郭云鏤也一切經音義十四引爾雅作椿廣雅椿謂之鏤本書磻斫也



收麥器從木巴聲

蒲巴切

玉篇源杷杷也 方言杷宋魏之閒謂之渠挈或謂之渠疏

廣雅渠挈謂之杷 僮約屈竹作杷 釋名杷播也所以

播除物也 郭注爾雅烏階云即烏杷狀如杷齒 太公金

匱不須兵器可以守國鋤杷是其牙戟 荆楚歲時記夏四

月穫穀鳴農人俟

此烏則犁杷上岸 收麥器者六書故杷杷艸土收禾麥器也引漢書梓艸杷

土急就篇摺穫秉杷插捌杷顏注無齒為捌有齒為杷皆

所以推引聚禾穀也馥

案郭注方言無齒為杷



種樓也一曰燒麥杓般從木役聲

與辟切

種樓也者徐鍇本作種梭也集韻韻會引同本書廢種也

六書故樓下種具也引賈思勰曰樓有三脚者有兩脚者

不如一脚者之為得也玉篇樓樓犁也崔寔政論趙過教

民耕植其法三犁共一牛一人將之下種挽樓皆取備焉

日種一頃今遼東耕犁較長四尺迴轉相妨既用兩牛兩

人牽之一人將耕一人下種二人挽樓凡用兩牛六人一

日纔種二十五畝齊民要術序燉煌不曉作樓犁及種人
牛功力既費而收穀更少皇甫隆乃教作樓犁所省傭力
過半得穀加五種蒔直說爰有一器出自海墻號曰樓鋤
農桑輯要樓樣一如下種樓但獨腳無樓斗耳一日燒
麥拾穀者廣韻煨燒麥

𣎵

木也從木令聲

郎丁切

木也者玉篇次於枯下作上云木名可染

𣎵

擊禾連枷也從木弗聲

敷勿切

擊禾連枷也者玉篇𣎵連枷也所以打穀者也廣韻𣎵連
枷杖打穀者廣雅𣎵謂之枷釋名𣎵撥也撥使聚也漢書
王莽傳子之北巡必躬載𣎵顏注𣎵所以擊治禾者也今
謂之連枷顏氏家訓涉務篇打𣎵之簸揚之凡幾涉手而
入倉庾荀子性惡篇則兄弟相拂奪矣注云或曰拂字從
木旁弗擊也今之農器連枷也衛公兵法守城篇連棒如
打禾連枷狀用打女牆外上城敵人設案宋慶曆初知并
州楊偕上所製錦連枷詔藏之祕府此是兵器與擊禾之

說文解字義證

卷十七

𣎵

連鈎移叢書

器相似故狄武襄以鐡連枷破儂智高今雲南成樓設之

𣪠

𣪠也從木加聲淮南謂之𣪠

古牙切

𣪠也者六書故接摺兩木為連枷以擊落禾穀也釋名𣪠加也加杖於柄頭以搃穗而出其穀也齊語耒耜𣪠芟車云𣪠也打穀之具築禾稼之場刻畫地段令廣袤可運大連枷也打穀之具築禾稼之場刻畫地段令廣袤可運大之快者廣雅快杖也方言僉宋魏之閒謂之攝父或謂之度自關而西謂之格或謂之𣪠齊禁江淮之閒謂之快或謂之倬注云僉今連枷所以打穀者受音殊亦杖名也今江東呼打為度音量度也快音悵快亦音車鞅此皆打之別名也

𣪠

春𣪠也從木午聲

昌與切

春𣪠也者本書春從升持𣪠臨曰上午𣪠省也世本雍父作春𣪠曰易繫辭斷木為𣪠

𣪠

𣪠斗斛從木既聲

工代切

考工記臬氏為量槩而不稅曲禮會響不為槩注云槩量也管子水地篇量之不可使槩至滿而止子華子釜槩之於量也不能以容於所不受說苑夫水至量必平盈不求槩曹植黃初五年令孤推一槩之平唐書梁崇義傳以槩量業於市

杭斗斛者本書斛平斗斛也廣雅楊所以平量斗斛一切經言義九字林槩工內反謂平斗斛者蒼頡篇平斗斛曰槩管子樞言篇釜鼓滿則人槩之荀子君道篇斗斛致槩者所以為噴也宥座篇盈不求槩注云槩平斗斛之木也韓非外儲說槩者平量者也楚詞惜誓同權槩而就衡注云槩平也九章同樣玉斤兮一槩而相量洪注槩平斗斛木越絕書妻操斗身操槩白量而食月令正權槩注云槩平斗斛者高注淮南時則訓同漢書律歷志以井水準其槩顏注槩所以槩平斗斛之上者也夏侯陽筭經以今時用斗量米一斛置諸穴中槩令平滿六典市令以二物平市注云謂平斗以槩也

平也

從木气聲

古沒切

平也者集韻引同又云謂斗槃一切經音義十
二杭量也廣雅杭摩也杭亦平也平斗斛曰杭

𣎵

木參交以枝炊奠者也從木省聲讀若驪駕

所縛切

木參交以枝炊奠者也者本書數炊奠也奠煎米數也故
謂以木定𣎵使木下也桓五年左傳蔡衛不枝戰國策魏
不能支高注支猶拒也讀若驪駕者徐鉉本無
此文集韻楮居迓切木參交以枝炊奠者李舟說

𣎵

禮有𣎵𣎵也從木四聲

息利切

禮有𣎵者聘禮宰夫實解以體加𣎵于解讀案鄭注周禮
漿人云飲醴用𣎵者糟也又注士冠禮角𣎵云𣎵狀如𣎵
以角為之者欲滑也喪大記疏云𣎵長六寸兩頭曲屈讀
謂𣎵本用木詩有抹棘𣎵是也
引有所以取飯四字木書
上所以用比取飯一名𣎵

𣎵

𣎵也從木否聲


布回切

方言盃械盃盃開盃盃也秦晉之郊謂之盃自關而東趙
魏之閒曰械或曰盃或曰盃其大者謂之閒吳越之閒曰盃

齊右平原以東或謂之盛枯其通語也 通俗文漿枯曰蒸
或謂之盃馥案謝承後漢書謝叔平為定陵令桑枯盛漿益
部者舊傳高宏為琅邪相桑枯盛漿 大戴禮曾子事父母
篇執觴觚枯豆而不敢醉盧辯注杯漿盞盆盞之總名也
孟子順杞柳之性而以為枯棬 禮記玉藻母沒而枯罔不
能飲口澤存焉耳 淮南子窺面於漿水則罔於杯則罔罔
彪啟事官吏二千石以白木杯飲食 漢地理志都邑頗放
效吏及內都賈人往往以白木杯飲食 東宮舊事注四升杯四
十 陶侃上雜物疏有上成帝螺杯一枚馥案南州異物志
鸚鵡螺狀似覆杯形如鳥頭向其腹視似鸚鵡故以為名晉
咸康起居注詔送遼東使段儵等鸚鵡杯後趙書石虎
子以螺杯勸客酒 淮南萬畢術注方諸形若杯無耳
隨也者本書匱小枯也廣雅隨枯也急就篇
船杆槩案枯問盃顏注枯酒器也一名隨



籀文枯



承槩也從木般聲

薄官切

承槩也者一切經音義入槩圖器也復案不皆圓形古者
舜下有舟周禮司尊彝注云舟尊下臺若今時承槩然則
兌文釋名登 卷十七 連符移叢書

承槃舟臺之屬故亦稱臺槃其字從般般象舟之旋曹植
承露槃銘盛之安者莫如盤般案槃之川有三周禮玉府
若合諸侯則共珠槃王敦注云古者以槃盛血此會盟之
槃也倍二十三年左傳乃饋盤飧史記滑稽傳杯盤狼藉
晉太康起居注齊王出藩詔賜楹樽標杯盤各有差李尤
槃銘或以承觴或以受物既舉清觴又成口實此飲食之
槃也吳語奉槃匱以隨諸御韋云槃承盥器也禮內則適
父母舅姑之所少者奉槃長者奉水請沃盥鄭注槃承盥
水者喪大記沐以瓦盤大學
引湯之盤銘此洒濯之槃也

槃

古文從金

從金者襄十二年老傳季武子救台遂入鄆取其鍾以爲
公槃趙策三分趙國壤地著之盤孟鮑云言得地銘於器
也呂氏春秋慎勢篇功名著于盤
孟馥謂此皆以金爲之故有銘

皿

籀文從皿

從皿者皿飲
食之用器也



槃也從木虎聲

息移切

槃也者方言承槃曰櫬通作夷喪大記君設大盤造冰鬲大夫設夷盤造冰鬲士併瓦盤無冰鄭注漢禮大盤廣八尺長丈二深三尺赤中夷盤小鬲周禮天子夷盤土喪禮君賜冰亦用夷盤



几屬從木安聲

烏吁切

几屬者廣韻曹公作鼓案同視書張衡四愁詩何以報之青玉案李善曰玉案君所憑倚東宮舊事皇太子納妃初拜有漆金波足奏案一枚江表傳孫權拔刀所前奏案曰諸將復有言迎曹者與此案同東觀漢記更始韓夫人侍飲兄常侍奏事怒起抵破書案魏武上雜物疏有純銀鍍帶漆畫書案一枚南史江秉之補新安太守轉臨海作書案一枚梁簡文帝書案銘性廣和平文彫非曲廁質錦帳承芳綺褥披古通今案奸治俗刻香鏤彩織銀卷足



圓案也從木景聲

似沿切

圓案也者廣韻櫬承食案也文選七命圓案星亂方丈華錯梁書伏挺傳方丈員案三柘僅存

械

械也從木咸聲

古咸切

械也者本書匿藏也徐鍇本匿械藏也廣雅匿謂之械史記天官書間可械劍集解引蘇林曰械音函函容也其間可容一劍馥案周禮伊耆氏共其杖咸注云咸讀爲函

勺

勺也從木從斗

之庚切

勺也者史記趙世家正義引作鉤也馥謂勺誤爲句又因句誤爲鉤本書斟勺也勺挹取也通俗文木瓢爲料徐鍇引字書料斗有柄所以斟水廣韻斗斟水器也玉篇料有柄形如北斗星用以斟酌也廣雅料杓也馥謂杓當爲勺寫者失之漢禮器制度注勺五升徑六寸長三尺少牢饋食禮司宮設饗水于洗東有料注云料斟水器也喪大記沃水用料或作斗周禮鬯注斗所以斟或以銅作史記趙世家使廚人操銅料以食代王及從者行斟陰令宰人各以料擊殺代王正義料音斗其形方有柄取斟水器燕策令工人作爲金斗長其尾謝綽宋拾遺張永開元武湖冢上得銅斗有柄從斗者徐鍇本作斗替陳啟源曰詩酌以

大斗釋文云斗字又作料徐音主小雅惟北有斗釋文亦兩音而音主者沈重也案易豐卦日中見斗釋文云見斗孟作見主蓋以同音故通用也

杓

料柄也從木從勺

甫搖切

夏小正正月杓初昏參中斗杓縣在下六月初昏斗杓正在上七月斗杓縣在下則旦大衍歷議引作斗杓禮記正義作斗杓合為斗杓春秋運斗樞璣光第一至第四為魁第五至第七為杓壺杓就江海而飲之李康運命論執杓而飲河者不過滿腹

料柄也者一切經音義四引作北斗柄也徐鍇曰北斗之柄第一星取以為名杓猶標也廣雅杓末也鄭注檀弓天文北斗魁為首杓為末此亦杓標義同詩行葦酌以大斗傳云大斗長三尺也正義長三尺謂其柄也史記索隱凡方者為斗若安長柄則名為杓尾即杓之柄其形若刀者是也從勺者徐鍇本作勺聲

田

龜曰酒尊刻木作雲雷象象施不竅也從木晶聲

魯

切

廣韻尊有三品上曰彝中曰卣下曰壺

五經文字器大瓶

也馥案詩蓼莪之馨矣維彝之祗

釋器彝器也小彝謂

之坎郭云罍形似壺大者受一

斛明堂位尊用犧象山罍

龜曰酒尊者黃目也鄭注周禮司尊彝云黃彝黃目尊也

徐錯曰龜目所以節畫也若今禮尊有黃目是也卑雅明

堂位曰周以黃目黃目蓋以龜目飾尊今龜目黃而許慎

解字說罍亦曰龜目酒尊是也刻木作雲雷象者禮圖

罍刻木爲之鄭注司尊彝云山罍亦刻而畫之爲山雲之

形異義引毛詩說金罍蓋刻爲雲雷之象史記梁孝王世

家初孝王在時有罍尊直千金集解鄭德曰上蓋刻爲雲

雷象索隱應劭曰詩云酌彼金罍罍者畫雲雷之象以金

飾之論衡雷虛篇禮曰刻尊爲雷之形一出一入一屈一

伸爲相校軫則鳴校軫之狀鬱律崢嶸之類也此象類之

矣又儒增篇夫百物之象猶雷尊也雷尊刻畫雲雷之形

夢溪筆談禮書言罍畫雲雷之象然莫知雷作何狀子嘗

得一古銅罍環其腹皆有畫正如人開屋梁所畫曲水細

觀之乃是雲雷相開爲飾如○者古雲字也象雲氣之形

如者雷字也古文回為雷象回旋之聲其銅罍之飾皆一〇一〇相間乃所謂雲雷之象也象施不駁也者施當為殷徐錯曰肅者圓轉之義故曰不窮異義罍制韓詩說金罍大夫器也天子以玉諸侯大夫皆以金士以梓漆案韓詩說天子以玉經無明文謂之罍者取象雲雷博施如人君下及諸臣 鼎著者徐錯本作鼎亦聲後人加亦字

罍 櫛或從缶

詩洞酌可以濯 罍傳云罍祭器

罍 櫛或從皿

罍 櫛文櫛

本書藥籀 文作罍

櫛 櫛也從木卑聲 部迷切

園檢也者檢有四式本書檢制如檢缺四角是檢方也標
 為扁檢格為橫檢與棹圓為四式也廣雅扁檢謂之棹急
 就篇樽檢棹上著餐顏注棹圓檢也又注漢書云棹檢
 即今之扁檢所以盛酒者也史記大宛傳何奴破月氏王
 以其頭為飲器韋昭曰飲器棹檢也淮南道應訓襄子大
 敗知伯破其首以為飲器高云飲器器棹檢也謝承後漢
 書陳茂為豫州別駕與刺史周敞行部到潁川楊翟傳車
 有美酒一棹敞載酒以行茂取棹擊破之曰使君傳車
 以盜載酒非宜顧案亦以竹作廣志漢
 竹大者一節受一斛小者數升為棹檢



酒器也從木益聲

枯渴

酒器也者本書舊檢上塞也顏注急就篇檢盛酒之器其
 形檢檢然也成十六年左傳使人執檢承飲造於子重
 孔叢儒服篇堯舜千鍾孔子百觚子路啞啞曰飲百檢淮
 南北論訓霜水足以溢壺檢酒德頌動則擊檢提壺庾闡
 斷酒戒使巷無行檢家無停壺祖台之與王荊州書願君
 屏爵棄危焚蠟毀檢王隱晉書宣帝作檢兩口二種酒先
 飲嘉酒塞口而開壽與牛金飲而灰齊民要術種榆五年
 後挾者鋤作獨樂及蓋十年後魁梔瓶檢器皿無所不任

國史補李泌以虛誕自任有人遺酒偶客至卽曰麻姑送酒來可與君同飲未畢門者曰某侍郎取棹子泌命倒還曾無愧色史記伍子胥傳盛以賜夷革浮之江中應劭曰賜夷棹形漢書食貨志范蠡變姓爲賜夷子皮小顏注言若盛酒之賜夷賜夷皮之所爲故曰子皮揚雄酒箴賜夷滑指腹大如壺或以琉璃馬瑙爲之涼州記發張駿陵得琉璃棹北齊書元韶有馬瑙棹容三升



車等中橢橢器也從木隋聲

徒果切

車等中橢橢器也者本書能車等也又摩下云車等開皮後古者使本主以藏之一切經音義十一橢狹長器也爾雅釋魚鱗小而橢楚詞天問南北順橢其衍幾何淮南子修務訓食飯盆孟其方圓銳橢不同



關東謂之槌關西謂之持從木追聲

直類切

玉篇槌蠶槌也

集韻槌縣蠶曲杙

月令具曲植籬備注

云槌槌也

四民月令三月清明節令蠶妾治蠶室除隙穴

具槌持箔籠

齊民要術蠶宜於屋裏簇之薄布新於箔上

一槌得安十箔

又云作剡法若以牀小不得多箸蠶可四角

連筠篥

義書

三

連筠篥義書

頭豎槌重置椽箔如卷簾法 五行書理

馬牙齒於槌下宜鑿微案周禮鑿馬同氣

關東謂之槌關西謂之待者方言槌自關而西謂之槌注云懸鑿薄柱也榘案當云自關而東 關西謂之待者玉

篇同

𣎵 槌也從木特省聲 陟革切

槌也者廣雅同方言 槌其橫齊部謂之特

𣎵 槌之橫者也關西謂之槌從木斧聲 直在切

槌之橫者也者玉篇槌橫槌也或作槌廣雅槌槌也方言槌其橫關西曰槌 關西謂之槌者本書無槌字方言槌其橫宋魏陳楚江淮之間謂之槌所以縣槌東齊海岱之間謂之槌玉篇槌縣槌索又繪下云縣鑿薄橫也類篇繪也 槌紐也

𣎵 瑚槌也從木連聲 里典切

璫

璫所以几器從木廣聲一曰帷屏風之屬

胡廣切

璫璫也者或作璫三禮圖璫受一升形製未聞制度云如
簋而平下璫受一升漆赤中蓋亦龜形大夫飾口以白金
制度云如璫而銳下論語璫璫也苞氏曰璫璫者黍稷器
也夏曰璫殷曰璫周曰璫璫宗廟器之貴者也皇氏曰禮
記云夏之四璫殷之六璫今云夏璫殷璫講者皆云是誤
也哀十一年左傳胡璫之事則嘗學之矣杜云胡璫禮器
名夏曰胡周曰璫正義云明堂位說四代之器云有虞氏
之兩敦夏后氏之四璫殷之六胡周之八璫如記文則夏
器名璫殷器名璫而包咸鄭元等注論語賈服等注此傳
皆云夏曰璫杜亦同之或別有所據世說謝混問楊孚何
以器舉璫璫羊曰故當以為接神之器通作輦韓勅禮
器碑作胡璫璫聲相近易往寒來連虞翻曰連輦也

所以几器者當作玉篇璫所以支器一曰帷屏風之
屬者李善注吳都賦引作帷屏風又云然則門窗廡之通
名釋名屏風以屏障風也周禮典絲凡飾邦器者受文織
絲組焉注云謂兩席屏風之屬掌次設皇邸注云鄭司農
云邸後版也元謂後版屏風與禮記明堂位天子負斧扆
畫屏風也三禮圖展縱廣八尺今之屏風則遺象也淮南

上屏風賦惟斯屏風出自幽谷大匠治之彫刻削斷等化
器類庇蔭尊屋列在左右近君頭足不逢仁人永爲枯木
李尤屏風銘雍闕風邪霧露是抗奉上蔽下不失其常桓
譚新論殿上五色錦屏風西京雜記廣川王發魏哀王塚
有石屏風又云江都王建勁健嘗跳越七尺屏風漢書外
戚傳成帝省減椒房掖庭用度許皇后上疏曰設妾欲作
某屏風張於某所必繩妾以詔書矣又陳萬年傳召戚教
識於牀下語至夜半咸睡頭觸屏風又云王莽常翳雲母
屏風東觀漢記宋宏當燕見御坐新施屏風圖畫列女東
宮舊事皇太子納妃有牀上屏風十二牒銀鉤鈕梳頭屏
風二合四牒織成連地屏風十四牒銅環鈕吳志紀亮爲
尚書令子騭爲中書令每朝會詔以御屏風隔其坐焉又
云曹不與善畫孫權使畫屏風晉書吳隱之清貧以竹蓬
爲屏風續晉陽秋何無忌與宋高祖謀夜於屏風中製檄
文母登屏風窺之鄴中記石虎作全銀釧屈膝屏風衣以
白縑畫義士仙人禽獸之像高施則八尺下施四尺或施
六尺隨意所欲也古今注孫亮作瑤璃屏風魏書太祖雅
性節儉帷帳屏風壞則補納御覽七百一引王琰宋春秋
明帝性多忌諱惡白字屏風書古來名文有白字輒加改
易齊書皇太子杜雍有發古塚者得玉屏風南史時人謂

王遠如屏風屈曲從俗能蔽風露御覽引俗說荀介子婦
大妒恆拒介子齋中客來便閉屏風夢古夢簾屏風蔽匿
一身也或作提七命交綺對祝李善注引文字集畧提以
帛蒙窗也晉書孝友傳贊對提巢鷹又作提廣韻提帷幔
也謝惠連雪賦月承幌而通輝宋書傅亮傳飛蛾翔羽翾
翾滿室趕軒幌集明燭者必以樵滅爲度王筠昭明太子
哀冊文書幌空張洛陽記洛陽十八觀皆施雲母幌鄴中
記石虎崑華殿閣上輒開大窗皆絳紗幌又云西臺窗皆
銅龍疏雲母幌劉氏新論正賞篇堂珠黼幌綴以金魄碧
流光霞耀爛眩目而醉者眸轉呼爲焰火非黼幌狀移日
改變也晉惠帝起居注有雲母幌齊書范縝曰人生如樹
花同發隨風而散或拂簾幌墜茵席之上語林滿奮體鳳
惡風侍坐晉武帝屢顧雲母幌帝笑之奮云北
窗琉璃屏風質密似疏字又作帟廣雅帟帳也

目

舉會者從木具聲

俱燭切

舉會者者廣雅舉也徐鍇曰杲
如會麻兩頭有柄二人對舉之

槨

槨木繙爲木也從木殼聲

古詣切

緇尚木也者徐鉉曰所以闢汲桶也

𦉰

絡絲桶從木爾聲讀若柅

奴禮切

絡絲桶也者易姤卦釋文引作絡絲跣也周易音訓同子夏易作鐻玉篇桶絡絲柅也字書廣韻竝同 讀若柅者釋文引馬云昵考也謂桶廟也

機

主發謂之機從木幾聲

居衣切

主發謂之機者一切經音義九引作主發之機也李善文選注引同堯典璿璣馬本作機云機渾天儀可轉旋故曰機書太甲若虞機張往省括于度則釋傳云機弩牙也范蠡兵法飛石重二十斤為機發行三百步燕丹子燕太子質於秦求歸秦王為機發之橋欲以陷丹丹過之橋為不發也大學其機如此注云機發動所由也列子天瑞篇萬物皆出於機皆入於機注云機者羣有之始動之所宗又黃帝篇機發於踵新序樞機之發開不及旋踵莊子天地篇有機械者必有機事孫子兵勢篇節如發機淮南原道訓其用之也若發機許注機發不旋踵

滕

機持經者從木滕聲

詩證切

機持經者廣韻滕織機也一切經音義十四引三蒼經所居機曰滕王逸機賦滕復回轉刻象乾形廣雅機謂之滕王篇機亦作梭馥案梭持緯者滕乃密竹器吾鄉呼之音如檜

杼

機之持緯者從木予聲

直呂切

機之持緯者詩大東正義引作持緯者也釋文引作盛緯器一切經音義十引字林杼機持緯者今俗呼杼為篾埤蒼篾竹杼也廣韻篾篾篋織具秦策人告曾子母曰曾參殺人母織自若一人又告之母懼投杼尉繚子治本篇夫杜芸擣妻枉機杼民無二事則有儲蓄高庵閒話大東杼柚其空傳曰杼持緯者也曹氏曰梭也釋文說文云盛緯器據曾母投杼其為梭無疑今齊語呼理經之具以竹為之密如篋者曰杼不知何以差異至此

杼

機持經者從木夏聲

扶富切

機持經者者廣韻杼織杼卷經者集韻織具謂之機杼機以轉軸杼以持緯馥案軸即杼詩大東作杼釋文杼木又

作

𣎵

履法也從木爰聲讀若指撝叶券切

通庀光曰方言謂機工木胎為援

履法也者徐錯曰援織履中模範也故曰法廣韻援靴履

援廣雅援法也朝野僉載唐楊州每呼朝士為麒麟援曰

𣎵

蠻夷以木皮為僕狀如斂尊從木亥聲古哀切

狀如斂尊者徐錯木尊下有之形也三字

𣎵

棧也從木朋聲薄衡切

棧也者廣雅棚棧閣也通俗文連閣曰棚一切經音義五引蒼頡篇棚樓閣也謂重屋後道者也

𣎵

棚也竹木之車曰棧從木菱聲土限切

棚也者廣韻棧木棧道通俗文版閣曰棧淮南本經訓延
樓棧道高云棧道飛閣復道相通通漢書張良傳說漢王茂
絕棧道崔浩云險絕之處旁擊山巖施版梁為閣也哀四
年公羊傳亡國之社蓋拚之拚其上面柴其下周禮喪祝
注作棧其下莊子馬蹄篇編之以阜棧輝文崔云棧木棚
也袁山松後漢書蘇不韋為地笑謀刺李昌嵩以板棧地
而卧 竹木之車曰棧者詩有棧之車正義云棧是車狀
既夕禮賓奠幣于棧注云棧謂板車也今文棧作輅周禮
巾車士乘棧車注云不革輓而漆之考工記輿人為市棧
車欲弁飾車欲侈後漢書方術謝夷吾傳後以行春乘柴
車注云柴車賤車也後漢書賈當為棧王莽傳乘北馬柴車
顏云柴車即棧車通作輅成二年左傳升父寢於輅中注
云士車正義周禮巾車士乘棧車鄭云棧車不革輓而漆
之考工記輿人云棧車欲弁鄭云為其無革輓不堅易圯
壞然則弁者謂上狹下闊也輅與棧字異音義同耳



以柴木壘也從木存聲

徂悶切

以柴木壘也者李善注江賦引作以柴木壘水也玉篇同
蕭該漢書音義引字林梅柴木擁也廣雅梅籬也又云
連筠移業書

栒也。榱，案釋器。榱謂之涿郭云。積柴，蒼魚曰。栒，木書。涿，積柴水中以聚魚也。慘，涿，涿字異而義同。僖五年左傳：士燮為二公子築蒲與屈不愼，寅薪焉。正義：同僖五年左傳：士燮為二公子築蒲與屈不愼，寅薪焉。注云：古之宮闈者皆居之臺以抗絕之。穆姬欲自罪，故登臺而薦之以薪。左右上下者皆履柴，乃得運。哀八年傳：邾子又無道，哭子使太宰子餘討之。因諸樓臺，栒之以棘杜云：栒，擁也。

𣪠

筐當也從木國聲

古悔切

筐當也者。筐當為匱，所以容髮也。𣪠或作簡。釋名：匱，恢也。恢，廓也。覆髮上也。魯人曰：頰齊人曰：𣪠，續。漢書：輿服志：夫人紺繒，𣪠又或作𣪠。玉篇：𣪠，𣪠也。覆髮上也。晉書：宣帝紀：諸葛亮遺帝巾，𣪠婦人之飾。

𣪠

木階也從木弟聲

土雞切

木階也者。廣雅：梯，階也。越語：無曠其眾，以為亂。梯，注云：梯，階也。孟子：捐階，注云：階，梯也。孫子九地篇：帥與之期如登高而去其梯。

𣎵

杖也從木長聲一曰法也

宅耕切

杖也者杖當為枝謂定持也僮約根門柱戶歲光殿賦枝
掌杖柄而斜據張注掌或作振一曰法也者方言根法
也注云救
頤之法

𣎵

牛鼻中環也從木弄聲

居倦切

牛鼻中環也者集韻泰犒牛貫鼻木廣韻泰牛拘一切經
音義四宇書泰牛拘今江以北皆呼為拘以南皆曰泰埤
蒼泰牛拘也廣雅泰拘也周禮封人凡祭祀飾其牛牲置
其糾注云鄭司農云糾著牛鼻繩所以牽牛者馥謂糾系
於環也或作撻呂覽重己篇五尺
童子引其撻而牛知所以順之也

𣎵

錐也從木耑聲一曰耑度也一曰剡也

兗果切

筆也者五經文字作耑本書耑一曰耑之垂耑聲相近玉
篇睡與耑同一曰耑度也者本書耑量也度高曰耑
一曰剡也者方言鑽謂之耑廣雅耑謂之鑽酸謂剡當為
整俗作鋸或以本書無鋸字改為剡玉篇鋸針也集韻策

端有鐵列子說符篇白公勝慮亂罷朝而立倒杖策鏝上貫顙血流至地而弗知也注云鏝杖末鋒淮南道應訓倒杖策鏝上貫顙高注策馬捶端有針以刺馬謂之鏝汜論訓是猶無鏹銜鏝策鏝而御駢馬也高注鏝端頭箴也

𠄎

戈也從木厥聲一曰門梱也

瞿月切

弋也者本書弋鏝也廣雅鏝杙也方言鏝燕之東北朝鮮列木之間謂之檜注云揭杙也一曰門梱也者釋宮鏝謂之闔郭云門闔曲禮大夫士入君門由闔右不踐闔注云闔門鏝盧君文昭曰呂氏春秋本生篇出則以車入則以輦務以自佚命之曰招麾之機高注招至也麾機門內之位也乘輦於宮中游翔至於鏝機故曰務以自佚也詩云不遠伊爾薄送我畿此不過麾之謂段若府謂注首麾機當為機鏝蓋以鏝訓機也至於鏝機謂至機而麾也下不過麾亦當為鏝字說文鏝門梱也荀子大畧篇和之璧井里之厥也晏子春秋作井里之困也厥卽鏝省困卽梱省蓋門梱有以斤為之者故晏荀皆云然而機與畿音義並同詩毛傳畿門內也說苑政理篇修近理內政鏝機之禮壹妃匹之際蔡邕集有司徒袁公夫人馬氏靈表云不出其機化導宣暢則厥機皆為梱闔之內明矣

𢇛 𢇛也從木戠聲

𢇛也者釋宮儀謂之代在地者謂之臬郭云卽門戾也通作職周禮牛人凡祭祀共其享牛求牛以授職人而芻之注云職讀為機機謂之代可以繫牛肆師大祭祀展犧牲繫于牢頒于職人注云職讀為機機可以繫牲者

持也從木文聲

善牧誓王左杖黃鉞秦策迫則杖戟相撞凡叢子居衛篇太王杖策而去漢書薛信傳杖劍從之張耳傳杖馬箠鮒武傳杖節牧羊新序杖馬策下趙數十城樂資春秋後傳聶政杖劍至韓東觀漢記鄧禹杖策北渡崔鴻後趙錄冉閔杖雙刀矛

持也者漢書武帝紀衣繡衣杖斧分部逐捕顏注杖斧持斧也謂建持之以為威也韻案所持者亦為杖論衡藝增篇或操竹杖皆謂不動莫謂手空無把持新語輔政篇夫居高者自處不可以不安履危者任杖不可以不固自處不安則墜任杖不固則顛崔駰杖頌王母扶持用保百祿殷允杖銘翼德扶耆匪杖陽資崔瑗杖銘乘危履險非杖

說文解字義證 卷十七

不行年老力竭非杖不强諸庶雖美病不可杖溺人悅已亦不可相蘇彥邛竹杖銘安不忘危任在所杖君子是扶

道遙神王

杖

梧也從木攴聲

北末切

棍

棍也從木音聲

步項切

兵書梧二分二千五百 魏志鍾會傳會已作大坑白梧數千欲悉呼外兵入人賜白帟拜為散將以次梧殺坑中 御覽三百五十七引晉宣帝教曰當教諸圍士守士皆作梧人一枚 北史陽休之傳衣兩襠甲手持白梧 通鑑魏華州刺史持白挺大呼而出注云白挺即今人所謂白梧也 石氏星占天梧五星天之杖也 或作棒曹瞞別傳太祖初入尉廡造五色棒懸門左右有犯禁者皆棒殺之宋書後廢帝有白棒數十枝各有名號抱朴子吳遣將軍討山賊中有善禁者官軍刀劍皆不得拔將軍乃多作勁木白棒擊之 棍也者一切經音義一引同又云謂大杖也廣雅梧杖也通俗文大杖曰梧淮南詮言訓羿歿於桃梧高云梧大杖

以桃木爲之又作梓
玉篇梓杖也棒梓同

惟

擊也齊謂之終葵從木佳聲

直追切

擊也者一切經音義二十二引蒼頡篇惟用打物者也釋
名惟推也齊策秦遣君王后玉連環君王后引椎椎破之
淮南說林訓椎因百柄不能自碎椎碎之顏注椎音直追反其字從
木魏志武帝紀民無惟冰注云川渠冰凍使民惟冰以通
船民悼役而亡齊謂之終葵者御覽引作終葵注云音
終葵桑文終葵方惟廣雅終葵也六書故惟木拳所用
以椎擊者也終葵戎葵也其實拳然爲惟者象之考工記
曰天子之圭抒上終葵首謂象葵實爲惟首也馬融廣成
頌輩終葵揚關斧通作樾語林鍾雅語祖士曰我汝頽之
士利如錐卿燕
代之士鈍如樾

柯

斧柄也從木可聲

古俄切

斧柄也者徐鍇曰太公六韜有大柯斧也廣雅柯柄也詩
伐柯如之何匪斧不克傳云柯斧柄也考工記車人柯長

說文解字義證

卷十七

毛

連筠移叢書

三尺博三寸厚一寸有半五分其長以其一為之首注云首六寸謂今剛關頭斧也柯其柄也

𣎵

木杖也從木兌聲

他活切又之說切

木杖也者宣十八年穀梁傳釋文引字林同後漢書囑衡傳注引作大杖也廣韻亦作大杖急就篇鐵錘槌杖稅稅校顏注稅小梧也今俗呼為袖稅言可藏於懷袖之中也酸據此知大杖為木杖廣雅稅杖也淮南說山訓執彈而招身揮稅而呼狗欲致之顧反走

𣎵

柯也從木丙聲

陂病切

柯也者玉篇柄柯柄也考工記秦無廬注云謂矛戟柄鴟冠子武靈王篇手握兵刃之枋而希戰陸佃注枋柄也

𣎵

或從秉

通作秉史記天官書斗秉

𣎵

櫓也從木必聲

兵媚切

本書銘秘下銅也錦矛戟秘下銅鐔也廣雅秘柄也方
言三刃枝南楚宛郢謂之匿戟其柄白關而西謂之秘或謂
之父又云抵秘刺也注云皆矛戟之僅所以刺物者也考
工記廬人為廬器戈秘六尺有六寸注云秘猶柄也昭十
二年左傳君王命剝圭以為鉞秘
杜云秘柄也破圭王以節斧柄
之權也者顏注急就篇秘權也謂積竹
之杖也一日秘者總言矛戟之把也



積竹杖也從木贊聲一日穿也一日叢木

在九

積竹杖也者本書廬積竹矛戟矜也爰以積竹八觚徐錯
曰積竹木謂合竹木為之也若今之杖多然又說爰字云
積竹謂削去白取其青處合為之取其有力也趙宦光曰
今人輿之兩衡以繫布圍竹于木曰簪是也周書年饒牙
戟縷纏腹謂積竹不用筋但纏縷耳漢書武五子傳道買
積竹杖文穎曰合竹作杖也御覽七百十引新序昌邑王
置積竹刺杖二枚翼遂諫曰積竹刺杖者驕蹇少年杖也
一日穿也者本書鑽所以穿也一日叢木者本書贊
木灌木叢生詩黃鳥于飛集于灌木傳云灌木叢木也秦

策亦間恆思有神叢與叢結其神五日而叢枯七日而叢
 區高云叢樹也南都賦良木櫟於褒谷周景式廳山記石
 門北巖有松數百樹櫟生絕崖上懷舊賦柏森森以櫟植
 盧思道勞生論一葉從風無損鄧林之櫟植笙賦歌棗下
 之纂纂李注引咄咄歌棗下何櫟櫟解云櫟聚兒也棗大
 記櫟至於上注云櫟猶鼓也釋文鼓本亦作叢後漢書岑
 彭傳田戎橫江水起浮橋闕樓立櫟木周禮人祭門注
 云榮謂營鄧所祭復案鄧當作櫟昭元年左傳於是乎祭
 之杜注為營櫟用幣正義
 櫟聚也取草木為祭處耳

𣏟 雙柄也從木尸聲 女履切

雙柄也者廣雅尿柄也又
 云檣謂之雙其尿謂之隸

𣏟 尿或從木尼聲

前有𣏟字 集韻𣏟絡杙 通俗文張絲口𣏟 易姤卦象
 繫於金𣏟正義𣏟之為物眾說不同王肅之徒皆為織績之
 器婦人所用馥葉
 本書欄絡絲欄

𢇛

所以輔弓弩從木旁聲

補音切

所以輔弓弩也者一切經音義十五楊弓輔也廣雅楊輔也韓非外儲說楊繁者所以矯不直也劉氏新論貴言篇楚相質勁必資楊繁以成

𢇛

楊也從木敬聲

巨京切

楊也者詩角弓釋文引同又云謂輔也繁弓匣也集韻檄所以正弓漢蘇武能檄弓弩詩角弓翩其反矣傳云不善繼繁巧用則翩然而反既夕記有秘注云秘弓繁弛則縛之於弓裏備損傷以竹爲之考工記弓人寒奠體注云至冬膠堅內之繁中定往來體又云今夫菱解中有變勇故校郎司農云菱讀爲激發之激校謂弓繁也管子輕重甲篇彼十鈞之弩不得業檄不能自正家語子路初見篇操弓不反繁注云弓不反於繁檄不能自正家語子路初見篇說苑燥弓不反於繁荀子性惡篇繁弱鉅黍古之良弓也然而不得排檄則不能自正注云排檄輔正弓弩之器也相篇故君子之度已則以繩接人則用批注云韓侍郎云批者繁批也臣弓弩之器也韓非外儲說夫工人張弓也

堅弓

也從木隱省聲

於謹切

理藥鋤

伏櫜三句而暗弦一日犯機淮南修務訓故弓待櫜而後能調說山訓櫜不正而可以正弓高云櫜弓之掩肱也法言五百篇見弓之張兮弛而不失其良兮或曰何謂也曰櫜之而已矣注云周禮謂櫜為正弓之器也東觀漢記吳漢常獨繕櫜弓戟鹽鐵論若櫜櫜輔櫜之正孤刺也魏都賦弓挑解櫜五臣云櫜弓柳也四民月令八月涼燥可上

櫜也者增韻揉曲者曰櫜正方者曰櫜字或作櫜荀子法行篇櫜櫜之側多枉木大畧篇示諸櫜櫜注云櫜櫜矯揉木之器也非相篇府然若渠堰櫜櫜之於己也注云櫜櫜所以制木性惡篇故枸木必將待櫜櫜然櫜櫜然後直注云櫜櫜正曲木之木也孔叢儒服篇夫木之性以櫜櫜自直淮南修務訓木直中繩揉以為輪其曲中規櫜櫜之力又或作櫜鹽鐵論廢法以治是猶不用櫜櫜斧斤欲捷曲直枉也通作隱書盤庚尚皆隱哉傳云言當庶幾相隱櫜其為善政大戴禮衛將軍文子篇自設於隱櫜之中注云孔子曰隱櫜之旁多曲木也鬼谷子飛箝篇其有隱櫜注云

施隱括以輔其曲直韓非難勢篇夫乘隱括之法去度量之數使奚仲為車不能成一輪顯學篇夫必恃白直之箭百世無矢恃白圓之木千世無輪矣白直之箭白圓之木百世無有一然而世皆乘車射禽者何也隱括之道用也蔡邕郭有道碑隱括足以矯時公羊解詁敘故送

隱括

使就繩墨焉後漢書鄧訓傳訓考量隱括

古話

一曰矢括築弦處者文有闕誤築當為槩春秋決獄弩槩機郭彊軸異處腹案槩弩牙也本書矢槩猶括羽之形釋名矢其末曰括括會也與弦會也陸機詩弩彼弦與括書太甲若虞機張往省括于度則釋括當作括魯語肅慎氏貢括矢后祭銘其括曰肅慎氏之貢矢車注括箭羽之間考工記矢人為矢夾其陰陽以設其比夾其比以設其羽鄭司農云比謂括也顏師古曰岐山兩岐俗呼箭括嶺或作苦廣韻苦箭苦受弦處

策

簿基從木其聲

切渠之

楚策夫梟基之所以能為者以散基佐之也夫一梟之不勝五散亦明矣淮南說林訓行一基不足以見智

西京雜

讀文解字義證卷十七

罕

讀文解字義證

記杜陵杜夫子善弈基為天下第一人或識其費曰夫子曰
精其理者足以大裨聖教班固弈行基有白黑陰陽分也
羅列布效天文也文選博弈論夫一木之杆執與方國
之封枯基三百孰與萬人之將李善注引邯鄲淳藝經曰基
局從橫各十七道合二百八十九道白黑基子各一百五十
枚金樓子與王篇堯教丹朱基以文桑為局犀象為子
博基者本書博局戲也六箸十二基也騏馬青驪文如博
基也廣雅圍基博弈也急就篇基局博戲相易輕顏注基
局謂彈基圍基之局也博亦局戲也十二基六博襄二十
五年左傳今甯子視君不如弈棋弈者舉棋不定不勝其
耦杜云弈圍棋也正義說文弈從升言竦兩手而執之棋
者所執之子故云弈者舉其不定不勝其耦謂舉子下之
不定則不勝其耦是棋為子也中山經休與之山其上有
石焉名曰帝臺之基注云棋謂博棋也淮南泰族訓故行
基者或會兩而路窮或子踦而取勝高云行基大博也子
踦子對家奇一基也述征記西南端門外有石色青而細
修之作博基以遺
江東甚可珍玩

榱

續木也從木妥聲

子葉切

續木也者齊民要術插梨法云截杜令去地五六寸斜截
竹刺皮木之際令深一寸許折取美梨枝長五六寸亦斜
截之令過心大小長短與截等以刀割梨枝斜截之際剝
去黑皮拔去竹籤卽插梨令至割處木還向木皮還近皮
以懸幕柱封熟泥以土培覆之通作接秦筆綴病鉤身大
臂短不能及地故使工人爲木材以接于高注接續聘禮
接聞命注云接病續也曲禮堂
上接武漢書烏耗國民民接手飲

格雙也從木各聲讀若鴻

下江切

格雙也者木書策格雙也廣雅格雙謂之策廣韻策策韻
案各雙疊韻各加偏旁以立名斧獲酒窈也路躡胡豆也
路躡竦立也
脰躡船也

炊竈木從木舌聲

他念切

炊竈木者六書故括進火木玉篇括
木杖也括說文括字廣韻括火杖也

畜獸之食器從木瞢聲

昨牢切

畜獸之食器者集韻引無獸字替類槽餼禾器也玉篇槽馬槽晉書宣帝紀三馬同食一槽

射準的也從木從自

五結切

小爾雅廣器射有張布謂之侯侯中者謂之鵠鵠中者謂之正正中者謂之鰲鰲詩四鏃如樹正義鰲質也馥案鰲當為鰲考工記匠人置鰲以縣脈以景注云故書鰲或作弋杜子春云鰲當為弋讀為杙元謂鰲古文鰲假借字於所平之地中曰在牆者謂之杙在地者謂之鰲詩車攻傳云裘纒質以為鰲昭八年穀梁傳以葛覆質以為鰲是也馥案又作莛詩行莛舍矢既均傳云已均中莛箋云莛質也漢書司馬相如傳弦矢分莛莛什文穎曰所射準的為莛顏注莛謂射的即今之梁上檠也莛讀與藝同字亦作臬音魚列反文六年左傳陳之藝極注云藝準也王君念孫曰莊子應帝王篇有臬字釋文云徐音藝又魚例反司馬云法也蓋即臬字傳寫誤也馥謂魚例

當為魚列

射準的也者李善注東京賦引作射塼的也廣雅塼的也本書塼射臬也讀若準鄭注周禮司裘云侯以皮飾其側

又方制之以爲章釋文云章亦作準燕子法訓善射者調
弓定準見可而發韓非內儲說人之有孤疑之訟者令之
射的中之者勝不中者負又問燕趙夫砥礪殺矢而以安
發其端未嘗不中秋毫也然而不可謂善射者無常儀的
也故有嘗則羿逢蒙以五寸的爲巧無常則以妄發之中
秋毫爲拙齊策今夫鵠的非咎罪於人也少長貴賤則同
必於貫之者何也惡其示人以難也呂氏春秋木生篇萬
人操弓共射一招招無不中高注招埤的也淮南兵畧訓
夫射儀度不得則格的之不中高注的射準也法言脩身篇
脩身以爲弓矯思以爲矢立義以爲的與而後發發必中
矣漢書晁錯傳矢道同的顏注的謂所射之準梟也梟音
生列反卽謂縻也典論几珣有常徑的有定所門植白馬
篇挂弦破左的吳志太史慈傳將兩騎自隨各作一的持
之引馬至城下塹內植所持的各一出射之北齊書孝昭
與功臣宴射侯去堂百三十步中射者賜以良馬隋書突
厥一發中的通鑑蒼梧王立蕭道成於室內黃腹爲的將
射之又云孫伏伽諫唐太宗曰陛下好自走馬射的從
自昔李陽冰曰則省營護案此臆
說也曰鼻也今謂鼻爲準頭是也

木方受六斗從木甬聲他奉切

木方受六斗者史記商君列傳平斗桶集解鄭玄曰今之斛也索隱量器名也

大盾也從木魯聲即古切

大盾也者六韜農器篇簑簑笠者其甲冑干櫓也又軍用篇云武翼大櫓牙戟扶胥七十二具提翼小櫓扶胥一百四十六具管子禁藏篇苴笠以當盾櫓襄十年左傳狄虎彌建大車之輪而蒙之以甲以為櫓杜云櫓大楯漢書劉屈氂傳以牛車為櫓顏注櫓楯也遠與敵戰故以車為櫓用自蔽也孫子作戰篇戰楯矛櫓謀攻篇修櫓轆轤注云櫓大楯也韓非難二篇趙簡子圍衛之郭郭犀盾犀櫓立於矢石之所及何注櫓盾類也家語儒行篇禮義以為干櫓注云櫓大載馥謂干櫓即干盾鄭注周禮司兵云五盾干櫓之屬是也字或作櫓異苑河南褚襄將北伐軍士忽同時唱言可各持兩盾及敗悉負櫓而退書武成血流漂櫓積尸築京趙注孟子謂血流脊杵非是



或從鹵

廣雅鹵盾也 易林血流漂鹵 陳琳檄吳文流血漂鹵

或作鹵中山策流血漂鹵高注鹵大盾也史記秦始皇本紀
流血漂鹵徐廣音義云鹵楯也帝王世紀長平之戰
血流漂鹵吳都賦干鹵及鏃五臣云干鹵楯也



五聲八音總名象鼓鞀木虞也

五角切

世本黃帝世伶倫作樂 大荒西經顓頊生老童老童生祝融
祝融生太子長琴是處崑崙山始作樂風注云創制樂風曲也
樂記昔者舜作五弦之琴以歌南風夔始制樂以賞諸侯
又云比音而樂之及干戚羽旄謂之樂 周禮典同掌六律
六同之和以辨天地四方陰陽之聲以為樂器 魏志鮑
勛傳夫樂上通神明下和人理隆治致化萬邦咸又故移風
易俗莫善於樂 隋五年公羊傳注夫樂本起於和順和順
積於中然後榮華發於外是故八音者德之華也歌者德之
言也舞者德之容也故聽其音可以知其德察其詩可以達
其意論其數可以正其容焉之宗廟足以享鬼神用之朝廷
足以序羣臣立之學官足以協萬民凡人之從上教也皆始
於音音正則行正故聞宮聲則使人溫雅而廣大聞商聲則
見之澤之義登 卷之二 二

連筠移叢書

使人方正而好義聞角聲則使人剛隱而好仁聞徵聲則使人整齊而好禮聞羽聲則使人樂養而好施所以感蕩血脈通流精神存寧正性故樂從中出禮從外作也

五管八音總名者尙書大傳樂者人性之所自有也故聖王巡守有二州觀其風俗習其性情因論十有二俗定以六律五聲八音七始者其素族以爲八此八伯之事也分定於五此五嶽之事也五聲天音也八音天化也七始天統也樂記樂者音之所由生也又云是故不知聲者不可與言音不知音者不可與言樂又云唯君子爲能知樂注云八音竝作克諧曰樂又云比物以飾節節奏合以成文注云比物謂雜金革土匏之屬也以成文五管八音克諧相應和通典陽管有六爲律陰管有六爲呂變陰陽之管故爲十二調調各文之以五聲播之以八音乃成爲樂故有十二懸之樂焉象鼓鞀木虞也者爾雅釋文引作象鼓鞀之形木其虞也邢疏引作象鼓鞀之形木虞也白詞也

柷

闌足也從木付聲

甫無切

開足也者本書虞鐘鼓之附也并持弩附玉篇作持弩開
附本書開闢也或作附成十六年左傳韞韞之附注賈注
附謂足又通作不詩常棣之華鄂不韞韞鄭箋不當作附
附鄂足也成二年左傳三周華不注伏琛齊地記不讀如



擊鼓杖也從木包聲

甫無切

擊鼓杖也者左傳正義引同又云謂引杖以擊之李善注
王元長曲水詩序引作鼓柄也一切經音義三引作擊鼓
柄也又云謂鼓推也成二年左傳右援枹而鼓釋文枹鼓
槌也字林云擊鼓柄也管子小匡篇介冑執枹枹立於軍門
使百姓皆加勇注云枹擊鼓槌也齊策乃援枹鼓之鮑云枹
擊鼓杖淮南兵畧訓維枹綰而鼓之高云綰貫也枹係于
臂以擊鼓也史記司馬穰苴傳援枹鼓之急則忘其身正
義枹謂鼓槌也說苑兩軍相當司馬執枹以行之漢書李
尋傳猶枹鼓之相應也顏注枹擊鼓之槌也叔孫通傳舍
枹鼓而立一王之儀顏注枹者鼓柎所以擊鼓也後漢書
董宣傳枹鼓不鳴董少平注云枹擊鼓杖也第五便傳枹
鼓不鳴注云枹擊鼓杖也馥案詔定古文官書枹枹二字

同體



祝樂也從木空聲

苦江切

祝樂也者玉篇控揭祝敵也樂記聖人爲控揭荀子樂論篇執祝拊壘控揭似萬物說苑聖人作爲執鼓控揭壘麓此六者德

音之音



樂木空也所以止音爲節從木祝省聲

昌六切

廣雅祝象桶方三尺五寸深尺八寸四角有陞鼠書皇陶謨合止祝敵鄭注祝狀如漆甯而有椎合樂之時段惟其中而撞之周禮小師掌教鼓鼗祝敵壘簫管瑟歌鄭司農云祝如漆甯中有椎喪大記棺槨之閒君容祝宋書祝如漆甯方二尺四寸深尺八寸中有椎柄連底揭之令左右擊易緯乾主立冬樂用祝敵樂汁圖乾主立冬陰陽終始故聖人象天以制祝形使死者不恨生者不怨宋均曰祝園從中發聲人情怨恨亦從中起宋書樂志祝敵並不知誰所造通典祝敵不知誰所造樂記曰聖人爲控揭祝如漆桶方二尺四寸深尺八寸中有椎柄連底揭開孔內手於中

擊之以舉樂 書益稷奠擊鳴球傳云夏擊祝故所以作
止樂正義云樂之初擊祝以作之樂之將大更故以止之
樂木室也所以止音為節者韻會引徐鉉木云樂也木音
工用祝聲音為事故案室當為控詩有著靴聲祝圍傳云
祝木控也風俗通義謹案禮樂記祝如漆桶畫木方三尺
五寸高尺五寸中有椎工用祝止音為節書曰台止祝敵
笙鏞以開釋樂所以鼓祝謂之止鄭云祝如漆桶方二尺
四寸深一尺八寸中有椎柄連底掬之令左右擊止者其
椎名字書祝之言始也釋名祝如物始見祝祝然也故訓
為始以作樂也白虎通禮樂篇祝故者終始之聲萬物之
所生也陰陽順而復故曰祝承順天地序迎萬物天下樂
之故樂用祝祝始也故終也王制天子賜諸侯樂則以祝
將之蓋始合之器居諸器之先明堂位拊搏玉磬拊擊注
云拊擊謂祝故皆所以節樂者也呂氏春秋仲夏紀飭鐘
磬祝故注云祝如漆桶中有木椎左右擊以節樂漢書律
歷志人音木曰祝顏注祝與倣同倣始也樂將作先鼓之
故謂之祝

柷

廣樸也從木斬聲

自攷

說文解字義證

卷十七

五

連筠篴鼓書

牒也者御覽引作牒牒也釋名槩板之長三尺者也
漸也言其漸漸然長也急就篇簡札檢署槩牒家顏注槩
板之長三尺者也亦可以書謂之槩者言其脩長漸漸然
也西京雜記揚子雲好事常懷鉛提槩從諸計吏訪殊方
絕域四方之語揚雄荅劉歆書故天下上計孝廉及內郡
衛卒會者雄常把三寸弱翰齋油素四尺以問其異詆歸
卽以鉛摘次之於槩古文苑倕約持斧入山
斷槩裁輟注云槩長版論衡曰斷木爲槩



牒也從木乙聲 側入切

鄭注周禮小司馬云此下字脫滅札燭文闕 晉令郡國諸
書輒削焚其札梁鵠乃益爲版
而飲之酒候其醉而竊其札

牒也者後漢書循吏傳注引同本書牒札也顏注急就篇
札者木牒亦所以書之也釋名札節也編之如櫛齒相比
也燕策身自削甲札鮑云札木簡牒之薄者後漢書章帝
紀堯試臣以職不直以言語筆札劉盆子傳又以兩空札
置笥中儒林傳狼狽折札之命注拉云札簡也王觀國曰
札以木爲之而薄小者漢書司馬相如傳上令尙書給筆

札又曰遺札書言封禪事又郊祀志卿有札書顏注札木簡之薄小者故朱博傳曰與筆札使自記姦臧投刀使削所記然則札可以書非如簡策可以垂久遠也

𦉳

書署也從木僉聲

居奄切

書署也者後漢書公孫瓚傳注引同本書挾檢押也帙帛書署也封禪儀注持禮覆石函尚書令封上十石檢纏以金繩馥案本書署部署有所网屬徐錯曰署置之言羅絡之六書故檢狀如封匠蓋以木為之所用檢押也廣韻檢書檢印窠封題也釋名檢禁也禁閉諸物使不得開露也書文書檢曰署署予也題所予者官號也顏注急就篇檢之言禁也削木施於物上所以禁閉之使不得輒開露也署謂題書其檢上也釋言檢同也詩巧言謂始既爾箋云函同也函當為函檢與函同所謂金檢玉函漢書武帝紀登封泰山孟康曰刻石紀號有金策石函金泥玉檢之封焉吳志曹公遺太史慈書以篋封之發省無所道但貯當歸寶字記占城國所貢表文以貝多檢以香木函

𦉳

二尺書從木敫聲

胡狄切

檄名檄激也下官所以激迎其上之書文也馥疑激爲微
李充翰林論盟檄發於師旅起居誠曰檄不切厲則敵心陵
言不誇壯則軍容弱後漢書安帝紀若欲歸本郡在所爲
封長檄注云長檄猶今長牒也欲歸者皆給以長牒爲驗又
陳定傳懷檄請見注云檄板書又鮑昱傳詔昱詣尙書使封
胡降檄注云檄軍書也若今之露布也文選序書誓符檄
之品五臣注檄者檄也喻彼令歟然明白輟耕錄檄書靈
布何所起乎漢陳琳草檄曹操見之頓愈頭風遂謂檄起於
琳說文檄二尺書徐鉉通釋曰檄徵兵之書也漢高祖以羽
檄徵天下兵有急則插以羽文心雕龍有張儀檄楚書隄器
檄匹新文文選有司馬相如喻
蜀檄文則檄非自琳始也明矣
二尺書者史記索隱引同一切經音義十引同又云檄書
者所以罪責當伐者也又陳彼之惡說此之德曉慰百姓
之書也檄者皎也明言此彼令皎然而識之也急就篇輒
覺沒入檄報畱顏注檄者以木爲書長二尺史記淮陰侯
傳三秦可傳檄而定也索隱云傳檄謂爲檄書以責所伐
者漢書申屠嘉傳嘉爲檄召通詣丞相府顏注檄木書也
長二尺後漢書光武紀王郎移檄購光武十萬戶注云說
文曰檄以木簡爲書長尺二寸謂之檄以徵召也馥案此

非本書之
文或誤引

傳信也從木啓省聲

康禮切

傳信也者本書遽傳也紫微幟信也有齒御覽引釋名過
所至關津以示之或曰傳傳轉也轉侈所狂識以為信也
集韻帑幡係於檠者初學記刻符書施於符傳也李尤印
銘檠傳符節非印不行古今注檠載受之遺象也詩所謂
伯也執受為王前驅受前驅之器也以木為之後世滋偽
無復典刑以赤油韜之亦謂之赤油戟亦謂之檠戟公王
以下通用之以前驅又云凡傳皆以木為之長五寸書符
信於上又以一板封之皆封以御史印章所以為信也如
今之過所漢律諸當乘傳及發駕置傳者皆持尺五寸木
傳信封以御史大夫印章周禮司關凡所達貨賄者則以
節傳出之注云傳如今移過所文書掌節凡通達於天下
者必有節以傳輔之注云輔之以傳者節為信耳傳說所
齋操及所適漢書文帝紀除關無用傳張晏曰傳信也若
今過所也李奇曰傳檠也顏注檠者刻木為合符也傳音
張戀反續漢書輿服志公以下至二千石騎吏四人皆帶
劍持檠戟為前列百官志若外人以事當入本宮長史為

封榮傳寶武傳取榮信開諸禁門注云榮有衣載也漢官儀曰凡居宮中皆施籍於掖門案姓名當入者本官爲封榮傳審印信然後受之文選開魏公九錫文今更下傳璽其上故傳武平侯印綬李善云應劭風俗通曰諸侯有信乃得舍於傳故既下新傳命上故傳及印綬也晉書陶侃傳奉送荊江州刺史印傳榮載宋書禮志皇太子夜開諸門璽令銀字榮傳令信謝莊傳世祖出行夜還轅開門莊居寺以榮信或虛執不奉旨王曇首傳車駕出北堂嘗使三更竟開廣莫門南臺云夜須白虎幡銀字榮不肯開門羊元保奏免御史中丞曇首繼啓曰旣無璽敕又闕幡榮雖構上旨不異單刺元嘉二年雖有再開門例此乃前事之違今之守舊未爲非禮但旣據舊使應有疑卻未未會無此狀猶宜厥咎其不請白虎幡銀字榮致門不時開由尙書相承之失亦合糾正通作啟通俗文官信曰啟釋名啟請也以啟語官司所至詣也漢官解詁衛尉主宮闕之內有醫巫僦人當入者本官長吏爲封啟傳審其印信然後內之六書故有違令者置駟以更轉謂之傳騎置車以

更轉謂之傳車爲符契傳以出入門關者曰符傳韓非說林賜夷子皮負傳而從史記孟嘗君傳更封傳變姓名以出關索隱云封傳今之驛券也東觀漢記郭丹爲更始持

節守南陽更始敗丹無所歸節傳求更始妻子奉還節傳
高士傳中屠蟠步赴王子居喪至濟陰司隸從事為符傳
護送蟠蟠不肯受
投傳於地而去

𨋖

車歷錄束交也從木攴聲詩曰五檠梁輶

莫卜切

車歷錄束交也者本書肇車軸束也歷錄當為秣方音
繼車趙魏之間謂之𨋖𨋖𨋖𨋖𨋖𨋖𨋖𨋖𨋖𨋖𨋖𨋖𨋖𨋖𨋖𨋖𨋖𨋖𨋖𨋖
大麓亦作大錄維絲竿車絲束秣也易林駝車駕東與
雨相逢五檠解塵頓抗獨坐詩曰五檠梁輶者秦風小
戎文傳云五五束也檠歷錄也一輶五束束有歷錄正義
云五檠是輶上之飾言以皮革五處束之所束之處以為
文章歷錄然歷錄蓋文章之妙也馥案考工記輶人是故
輶欲順典鄭司農云順讀為懇典讀為殄開車之輶率尺
所一縛懇典似謂此也疏
云此即詩五檠梁輶一也

𨋖

行馬也從木互聲周禮曰設桂柅再重

胡誤切

顏延之曲水詩序延唯接柅再書顏真卿傳當關不敢乘
趨出桂柅乃乘字或作柅皇甫誕碑橫劍桂柅又通作

互高唐賦
互互橫梧

行馬也者趙宦光曰闌路三义木也三木交筌鉤聯阻人
不得闖入韻會引徐鍇繫傳極者交互其木以爲遮闌也
周禮脩閭氏掌比國中宿互攔者注云故書互爲巨鄭司
農云巨當爲互謂行馬所以障互禁止人也虎賁氏舍則
守王閑注云閑桂極六韜三軍拒守木螳螂劍刃扶胥廣
二丈百二十具一名行馬平易地以步兵敗車騎史記袁
盎傳百金之子不騎衡索隱云衡木行馬也東京夢華錄
御廊立朱漆杈子路心立黑漆杈子卽行馬也王沈魏書
諸將曰公與虜交語不宜輕脫可爲木行馬以爲防遏曹
據別傳據爲洛陽令於時大雪宮門夜忽失行馬據曰必
是門士以療寒驗之具服宋書沈慶之傳上給卹吏五十
人門施行馬陳書蕭摩訶傳門施行馬漢官儀光祿勳門
外特施行馬以旌別之續漢書黃初四年詔拜楊彪光祿
大夫又爲門施行馬晉書成帝美顏含素行加光祿大夫
門施行馬魯定爲光祿大夫位特進給吏卒門施行馬王
覽轉光祿大夫門施行馬王隱晉書劉毅以光祿大夫致
仕門施行馬晉陽秋李喜乞老以爲光祿大夫門施行馬
晉諸公贊衛尉傅祗以風疾遜位加光祿大夫門施行馬

周禮曰設枅枅再重者天官掌舍文注云故書枅為枅杜子春讀為枅枅枅謂行馬元謂行馬再重者以周禮有內

枅 枅枅也從木陞省聲 遼今切

陞省聲者韻會引徐鍇本作陞聲

枅 驢上負也從木及聲讀若急 其輓切

御覽笈說文作枅 史記蘇秦傳負笈從師 酈原別傳原單行負笈 謝承後漢書馬寔負笈荷檐不遠萬里又云高宏為酈酈相自負笈單步入界

驢上負也者韻會引繫傳今人為木版跨驢背以負載物即古之枅也枅之言篋玉篇枅驢上負版風土記笈謂學士所以負書籍箱如冠箱而卑者也謝承後漢書李固杖策驅驢負笈追師三輔

枅 枅也從木去聲 去魚切

白關而西盛膏者力謂之銅又或作輶廣韻輶車脂角通
作過史記孟子荀卿列傳吳轂過髡集解云別錄曰過字
作輶輶者車之盛膏器也吳之雖盡猶有餘流者言淳于
髡智不盡如炙輶也左思齊都賦注曰言其多智雖盡如
脂膏過之有潤澤也索隱曰今案文何炙轂過過則器
名謂盛脂之器名過與銅字相近蓋即脂器也轂即車轂
過為潤
穀之物

馬柱從木叩聲一曰堅也

音浪切

馬柱者韻會引繫傳蜀先主解綽督郵馬柳晉王濬綽
朱武帝於馬柳今京師有馬柳州柳者旁有一杙昂起也
釋宮檝謂之枝大者謂之檝釋文云檝郭又音叩淮南萬
畢術馬柳腐生茅取柳生茅可以為藥食殺鬼華陽國志
雍閭反繫馬柳柱生成林魚豢魏畧獻帝露布益州曰馬
繫柳而不暇解越書徐光為將軍秣馬但書柳柱為詩頌
不親馬事蕭子雲晉史草賀僧謂姚泓曰宜潔掃一馬廄
開屋口大柳有異馬其大非常白遠來天所送矣荀氏靈
鬼志道人見一家大富而性慳惜欲破其慳囊其家有一
使馬在柳下繫忽失去見馬在五千贊中道人言君作百

人廚倉周餉窮困者馬當得出主人即作之馬還柱柱

𣎵

𣎵斗可射鼠從木固聲

古基切

𣎵

山行所乘者從木𣎵聲虞書曰予乘四載水行乘舟

陸行乘車山行乘𣎵澤行乘輶

力追切

水行乘舟陸行乘車山行乘𣎵澤行乘輶者諸書所言各異書傳云謂水乘舟陸乘車泥乘輶山乘𣎵文子自然篇水用舟沙用𣎵泥用楸山用𣎵澤音云𣎵乃鳥切推版其淮南齊俗訓譬若舟車楸肆窮廬故有所宜也高注水宜舟陸地宜車沙地宜肆泥地宜楸草野宜穹廬懷案肆即𣎵之寓呂氏春秋慎勢篇水用舟陸用車塗用輶沙用鳩山用𣎵因其勢也淮南修務訓禹乘四載高云四載山行用𣎵水行用舟陸行用車澤行用輶史記夏本紀陸行乘車水行乘船泥行乘楸山行乘楸河渠書禹抑洪水十三年過家不入門陸行載車水行載舟泥行蹈𣎵山行即橋徐廣曰橋近遙反一作楸楸直輶車也音已足反尸子曰山行乘𣎵音力追反尸子曰行塗以楸行險以楸行沙

以軌索隱曰毳字亦作楫音昌芮反注以楫子芳反又子
絕反與絛音同漢書溝洫志陸行載車水行乘車泥行乘
毳山行則楫孟康曰毳形如箕撻行泥上顏注毳讀如本
字如淳曰楫謂以鐵如錐頭長半寸施之履下以上山不
蹉跌也慎子爲毳者患塗之泥也閻若璩曰櫟史記夏本
紀作櫟河梁書作橋漢書溝洫志作楫實一物也如淳曰
楫謂以鐵如錐頭長半寸施之履下不蹉跌也某見吳下
僕夫施鐵環於草履下以走沮洳之地可免顛蹶俗呼爲
甲馬亦呼爲腳澀此僕備所用豈以禹而用之故知如淳
之說舛也韋昭曰楫木器也如今舉牀人舉以行此說頗
近之某謂史記作橋橋卽今之橋也某嘗登泰岱與武當
絕頂其土人以竹兜子施皮絆於肩遇峻陡則挾之以行
上下嶺坂如飛山行之具必不可易者也豈以禹而廢之
夫曰四載如舟車乃可以載惟其可載故可以乘若如淳
之說置板於泥施鐵於履板鐵之類旣不可謂之載足之
所踐又豈可謂之乘乎履索輶卽輶字玉篇輶與輶同輶
弓龍輶卽下
棺之輶車

輶

水上橫木所以渡者也從木在輶聲

江岳切

說文解字義證 卷十七

三

靈后楊氏聚

水上橫木所以渡者也者御覽引云水上橫木所以渡也亦約也今謂之畧約廣韻約橫木渡水廣雅約獨梁也徐鍇曰即溪澗夏有水冬無水處橫木為之至冬則去今曰水約橋爾雅謂之石杠亦曰畧約玉篇水上橫木渡今之畧約也漢書云初權酒酤注謂權者步渡橋初學記引廣志獨木之橋曰權亦曰約注云權水上橫一木為渡約今謂之畧約釋宮石杠謂之倚郭云聚石水中以為步渡約也漢書武帝紀初權酒酤韋昭曰以木渡水曰權謂禁民酤釀獨官開置如道路設木為權獨取利也顏注權者步渡橋爾雅謂之石杠今之畧約是也禁開其事總利入官而下無由以得有若渡水之權因立名焉

橋

水梁也從木喬聲

巨駟切

水梁也者初學記引釋名同茲文類聚引作水橋也東楚謂橋為圮

水

水橋也從水升聲

呂張切

唐六典凡天下造舟之梁四河三洛一石柱之梁四洛三潁一木柱之梁二皆謂川也列子釋文呂梁在今彭城郡

後漢書梁冀傳飛梁石磴陵跨水道注云架虛爲橋若飛也
津梁釋天大梁昂也孫炎云畢昂之間日月五星出入要道若
竝跨渭以木爲梁馥案本書奎梁升梁漢作便橋以趨茂陵
雉此山梁也晉書武帝紀立城東七里澗石橋此石梁也釋
宮隄謂之梁郭注梁卽橋也釋地梁莫大於淇梁郭注梁隄
也此隄梁也襄二十八年左傳戕舟發梁方言船舟謂之浮
梁王隱晉書杜預啟河橋於富平津衆論以爲不可預曰昔
造舟爲梁則河橋之謂也遂作橋成此舟梁也淮南繆
梅訓若行獨梁高注獨梁一木之木橋也此木梁也
水橋也者公羊疏引孫炎爾雅注梁小橋也馥謂小當爲
水詩甫田如茨如梁傳云梁車梁也正義云孟子十二月
車梁成梁謂水上橫橋橫有廣狹得容車渡則高廣者也
莊四年左傳除道梁澁杜云梁橋也晉語亦爲君之東游
津梁之上韋云津水也梁橋也周語故先王之教曰雨畢
而除道水涸而成梁又云故夏令曰九月除道十月成梁
王居明堂禮季秋除道致梁以利
農也月令謹闕梁注云梁橋橫也

古文

船總名從木麥聲蘇遺切

船總名者六韜武王伐殷先出於河呂尚為後將以四十
七校船濟於河漢書溝洫志發河南以東清船五百艘顏
注一船為一艘晉先勞反其字從木或作艘韻集艘海大
船也蜀王本紀秦為船船萬艘欲攻楚後漢書岑彭傳於
是裝直進樓船冒突露橈數千艘晉中
興書蜀賊以枯棹打沒陶侃二十餘艘

海中大船從木發聲房越切

海中大船者楚詞九章乘汜汜以下流兮王注編竹木曰
汜楚人曰汜秦人曰發也或作艘廣雅艘舟也或作筏方
言籒謂之筏筏秦晉通語也又作檝論語
乘桴浮於海馬注大者曰檝小者曰桴

舟櫂也從木旨聲子葉切

舟櫂也者易釋文引同御覽引作舟指也增韻濯下云說
文字漢元后傳輯濯越歌輯音指濯音棹馥謂毛氏所見
本作舟濯本書無櫂字當為濯漢書鄧通傳以濯船為黃
頭郎顏注濯船能持濯行船也百官表有輯濯丞劉屈氂

傳又發輯濯士顏注輯濯士川輒及濯行船者也短曰輯
長曰濯小爾雅廣器楫謂之撓方言楫謂之撓或謂之楫
書說命若濟巨川汝作舟楫詩竹竿檜松舟傳云楫
所以擢舟也楫撲渾彼漚漚舟楫徒楫之傳云楫擢也月令
乃告舟楫備具蔡氏章句備謂楫擢細繩維引之具楚詞九
章楫齊揚以容與兮注云楫船擢也漢書賈誼傳是猶度
江河以維楫顏注維所以繫船楫所以刺舟也音集其字從木後
漢書班固傳擢女謳注云擢楫也袁宏東征賦擢弱楫之
弗施或作擢字書檣舟旁撥水者短曰檣長曰擢劉氏新
論履信篇將涉大川非舟何以濟之欲泛方舟非檣何以
行之又作檣通俗文擢謂之檣擢又作棹後漢書岑彭傳
委輸棹卒注云棹卒持棹行船也東觀記作濯江鳳舟子
於是擢棹王叔元舟贊弱楫輕棹又作梢通鑑楊元感選
篙梢習於用舟者

舟

江中大船名從木蠡聲

盧啟切

江中大船名者方言東南丹陽會稽
之閒謂艤爲櫂或作艤廣雅艤舟也



木囚也從木交聲

古孝切

木囚也者韻會引繫傳校者連木也易荷校減曰此桎也
 履校減趾此桎也韻案王弼云校者以木絞校者也即桎也
 也校者取其通名也干寶云履校貫械也本書罔罔罔所
 以拘罪人一日圜人掌馬者案罔有牆壁之囚校貫木之
 囚皆可拘罪人者馬周禮校人掌王馬之政襄九年左傳
 命校正出馬成十八年傳弁糾御戎校正屬馬杜云校正
 主馬官昭二十七年傳左司馬沈尹戎帥都君子與王馬
 之屬以濟師杜云王馬之屬王之養馬官屬校人也漢書
 成帝紀從容大校獵顏注此校謂以木白相貫穿為闌校
 耳校人職云六廐成校是則以遮闌為義也趙充國傳校
 聯不絕顏注此校謂以木白相貫穿以為固者亦猶周易
 荷校減耳也周禮校人掌王馬之政六廐成校蓋用闌械
 闌卷馬也說文解字云校木囚也亦謂以木相貫遮闌禽
 獸也今云校聯不絕言營壘相次後漢書明帝紀車騎校
 獵上林苑注云周禮校人掌王田獵之馬故
 曰校獵謂以木相貫穿為闌校以遮禽獸



澤中守艸棲從木巢聲

鈕交切

澤中守軒樓者徐鍇曰謂其高若鳥巢也今田中守稻屋
猶然韓子聖人作構木以羣居天下號曰有巢氏曹大家
東征賦諒不登櫺而採蕪兮李善注登櫺採蕪謂上古木
有君臣又無宮室不知火化之時也禮運夏則居櫺巢北
堂書鈔冬居營窟夏居櫺巢杜注咸十六年左傳巢居車
上為櫺正義云櫺澤中守草樓也郭注上林賦櫺望樓也
釋名櫺露也露上無覆屋也

采

採取也從木從爪

倉宰切

後漢書公孫瓚傳樓櫺千里

採

削木札樸也從木采聲陳楚謂櫺為採

芳吠切

採取也者詩賜鴉子所持茶采言薄言采之傳云
采採取也從木從爪者五經文字采從爪下木

說文解字義證

卷十七

𣎵

連筠篠叢書

削木札樸也者一切經音義十六引作削朴也又云朴札
也謂削木皮也又卷十引三蒼朴札也今江南謂所削木
片為柿關中謂之札或曰柿札詩伐木許許傳云許許柿
兒益部耆舊傳蜀楊山善風雷占候謂客曰向風吹削柿
富有持雞酒來者晉書王濬謀伐吳造船於蜀其木柿蔽
江而下魏書太祖紀營梓宮木柿盡生成林陳書隋文帝

命大作戰船人謂密之文帝曰吾將行天討何密之有使
投柿於江潘岳馬汧督誅柿梠柄之松通鑑唐昭宗在鳳
翔削潰松柿以飼御馬注云柿所本札也通作肺漢書川
蚡傳蚡以肺附為相顏注一說肺所本札也喻其輕薄附
著大材也劉向傳臣幸得託肺附顏注一說肺謂所本之
肺札也自言於帝室猶肺札附於大材木也顏氏家訓後
漢書楊由傳云風吹削肺此是削札牘之柿耳古者書誤
則削之故左傳云削而投之是也或即謂札為削王褒童
約曰書削代牘蘇竟書云昔以摩研編削之才皆其證也
詩云伐木猗猗毛傳云猗猗柿貌也史家假借為肝肺字
俗本因是悉作肺肺之肺或為反哺之哺學士因解云削
哺是屏障之名既無證據亦為妄矣此是風角占候曰風
角書曰庶人風者拂地揚塵轉削若是屏障何由可轉也
馥案後漢書楊由傳正作哺章懷云哺當作柿陳楚謂
檣為柿者檣當作牘徐錯本作陳楚謂之
札檣錯曰札即木牘也本書藥牘檣也

闌

闌木也從木黃聲

戶切

闌木也者本書闌門遮也闌闌也玉篇橫闌木也詩衡門
傳云闌木為門或作闌集韻闌門闌也又通作阼通鑑薛

仁貴登門桃大呼以警宮
內注云桃門前橫木也

桃

檢桺也從木夾聲

古洽切

檢桺也者徐鍇曰謂書封函之上恐
摩滅文字更以一版於上桺護之

充

充也從木光聲

古曠切

充也者澤言文郭云充盛釋文云桃孫作光書光被四表
考靈曜鄭注云天旁行四表之中冬南夏北春西秋東皆
薄四表而止益稷光天之下正義云堯典之序訓光為充
卽此亦為充言充滿大天之下也昭二十八年左傳昔武
王克商光有天下杜云光大也周語故能光有天下韋云
光大也淮南修務訓段干木光於德寡人光於勢此皆以
光為充盛借光為桃也又通作橫顏注急就篇橫充也淮
南原道訓橫四維而含陰陽高注橫讀桃車之桃水經注
睢水云梁國睢陽縣南有橫亭世謂之光城蓋光橫聲相
近習傳之非也三輔黃圖長安城北出西頭第一門曰橫
門漢書虎上小女陳持弓走入光門卽此門也漢書作橫
城門如淳曰橫音光祭義夫孝置之而塞乎天地薄之而

橫乎四海樂記鐘磬鐃以立號號以立橫橫以立武注
云橫充也謂氣作充滿也孔子閒居夫民之父母乎必達
於禮樂之原以致五至而行三無以橫於天下注云橫充
也詩衡從其淑韓詩作橫由其淑傳云東西耕曰橫南北
耕曰由詩譜秦襄公遂橫有周西都宗周畿內八百里之
地後漢書馮異傳橫被四表昭假上下橫被即書光被漢
書王莽傳昔唐堯橫被四表無以加之王褒傳化淪四表
橫被無窮班固西都賦橫被六合又通作廣爾雅釋天緇
廣充幅方言幅廣為充孟子知皆擴而充之矣三國志注
許芝引尚書廣被四表荀子禮論積厚者流澤廣大數禮
廣作光東京賦惠風廣被李善注魏都賦引作橫被儀禮
掘坎廣尺輪二尺周禮周知九州之地域廣輪之數禮記
廣輪掘坎廣輪即
橫縱之名皆充義

樨

以木有所擣也從木雋聲春秋傳曰越敗吳於檣李

遵爲切

雋聲者當作檣埤蒼檣木名實可食穀案檣俗作携皆
順非不省也春秋傳曰越敗吳於檣李者定十四年經

文彼作於越注云樛李吳郡嘉興縣南醉李城釋文云依說文從木

𣎵

擊也從木豕聲

竹角切

擊也者本書殺擊也殺椎擊物也詩斯干榱之橐橐免置
榱之丁丁傳云丁丁榱杙聲也六韜榱杙大槌重五斤柄
長二尺以上尚書大傳榱杙者有數注云杙者繫牲者也
孟子捆屨織席注云捆猶叩榱也南齊書劉勳傳榱壁挂
履隋書元宏嗣傳每推鞠囚徒或榱弋其下竅荀氏家傳
荀達夫人有至行歲荒來糴者夫人叩其斛糴者歸量過
其本斛因號榱斛夫人通作涿周禮
秋官敘官壺涿氏注云涿擊之也

𣎵

撞也從木丁聲

宅耕切

撞也者撞當為撞本書撞平擣也五音集韻打擊也或作
打宣十八年穀梁傳邾人戕繒子于繒稅殺也注云謂捶
打北史張彝傳羽林武賁至
尚書省以瓦石擊打公門

𣎵

棧也從木瓜聲又楓棧殿堂上最高之處也

古胡切

校也者字書二校為瓜木廣雅鐘瓜也通作觚應劭曰觚
八觚有謂者也急就篇急就奇觚與眾異顏注觚者學書
之贗或以山事削木為之蓋簡焉也孔子歎觚即此之謂
其形或六面或八面皆可書觚者校也以有校角故謂之
觚今俗猶呼小兒學書簡為木觚章益古之遺語也又
觚校殿堂上最高之處也者後漢書班固傳注引同王觀
國曰所謂觚校者屋角氏忝成方角校與之形故謂之觚
校西都賦曰設壁門之鳳闕上觚校而棲金爵蓋謂以銅
鐵為鳳雀安於闕角氏忝之上今時宮殿亦然班固傳注
曰三輔故事建章宮闕上有銅鳳皇乃金雀也班氏鳳取
此闕五臣注文選曰觚校闕角是也許慎說文曰觚校殿
堂上最高處也說文但言殿堂上最高處而不顯言其為觚
校之義故後學多疑為觚亦或用
觚字馥案王氏所見本作觚校

𣪠

𣪠也從木菱聲

魯登切

瓜也者三脊校四方也通俗
文木四方為校八校為瓜

𣪠

伐木餘也從木獻聲商書曰若顛木之有𣪠

五葛切

伐木餘也者廣雅芽槩也又云剪餘也馥謂剪當作槩王
篇槩餘也釋詁烈栝餘也李巡曰栝槁木之餘也一切經
音義四爾雅梓餘也載也言木餘載生梓栽也方言烈栝
餘也陳邨之閒曰栝晉衛之閒曰烈秦晉之閒曰肆或曰
烈詩長發也有三槩傳云槩餘也汝墳伐其條肆傳云肆
餘也斬而復生曰肆正義云如今槩生者襄二十九年左
傳晉國不恤周宗之闕而夏肆是屏注云肆餘也正義云
杞是夏後滅而復存猶木之栝生小栽也魯語且夫山不
槎槩韋云以栝生曰槩孟子非無萌槩之生焉太元株生
槩其種不絕尸子千丈之木始若槩漢書枚乘傳夫十圍
之木始生如槩顏注言若槩之生牙也貨殖傳既順時而
取物然猶山不斲槩顏注韋古槎字也槎邪所木也槩髡
斬之也敘傳三栝之起本根既朽劉德曰謂木所髡而復
栝生也東觀漢記上詔虞延問園陵事其陵樹沫槩皆諸
其數文遼魏都賦林不槎栝五臣云栝斬去木梢今復出
者東京賦山無槎栝薛注斬而復生曰栝引漢書昔先王
山不槎槩賦又云尋木起於槩栽李善注云孔安國尙書
傳曰用生栝栽韋昭曰栝生曰槩槩與栝古字同 商書
曰若顛木之有豸斲者盤庚文彼作由槩本書
豸下引作豸栝釋文引馬注顛木而肆生曰栝

櫨或從木辟聲

辟聲者櫨辟聲相近詩碩人庶姜孽孽韓詩作櫨櫨呂氏春秋過理篇宋王築爲櫨臺高注櫨當作櫨櫨與櫨其音同

古文櫨從木無頭

爾雅釋文椅本或作梓又作不注作櫨竝同說文作櫨以梓不爲古文櫨爲或體云伐木之餘

亦古文櫨

淮南俶眞訓百事之莖葉條梓皆本於一根而條循千萬高注梓讀作櫨旁生萌芽也晉書王羲之傳槎梓而無屈伸尚書釋文櫨本又作梓案梓爲梓之變體庾信枯樹賦槎梓千年梓乃梓之譌

平也從木從平平亦聲

蒲兵切

平也者一切經音義四引埤蒼梓榻也謂榻坐板牀也通俗文牀三尺五曰榻板獨坐曰杆八尺曰牀廣雅榻梓也

釋名枰平也以板作其體平正也又為基枰方言所以投
簿謂之枰或謂之廣平廣雅廣平枰也韋昭博奕論然其
所志不出一枰之上
平亦聲者當為平聲

𣎵

折木也從木立聲

盧合切

折木也者本書拉推也
摧折也廣韻拉折也

𣎵

衰斫也從木差聲春秋傳曰山木不槎

側下切

衰斫也者本書槎槎識也後漢書馬融傳槎棘枳注云槎
斫也東京賦山無槎枿薛綜曰斜斫曰槎古文苑僮約焚
槎發等注云地有枯枿就燒之或作枿集韻枿同槎衰斫
也西京賦作木翦棘李善引賈逵國語注槎枿所也枿與
槎同詩周頌載芟載枿傳云除木曰枿周禮夏官枿氏掌
攻草木中庸疏云獲謂枿枿也枿枿亦衰斫之木後漢書
馬融傳焚萊枿木注云枿音士雅反枿斫木也
秋傳曰山木不槎者左傳無此文魯語山不槎櫟

𣎵

斷也從木出聲讀若爾雅𧢲無前足之𧢲

女滑切

木薪也者木書故麻
蒸也廣雅板柴也

梲 梲木薪也從木完聲 胡本切

梲木薪也者纂文未
判為梲玉篇梲束薪

梲 梲木未析也從木囙聲 胡昆切

梲木未析也者本書頑梲頭也玉篇梲木未破也釋木髡
梲郭云未詳邵君晉涵曰梲當作梲趙策云為木材以接
手狀如振梲是其狀也大射儀既拾取矢
梲之注云梲齊等之也馥謂梲木皆相等

梲 梲部方木也從木扁聲春秋傳曰梲部薦榦 部田切

梲部方木也者中山經堵山其上有木焉名曰天梲方莖
而葵狀景福殿賦爰有禁梲勒分翼張承以陽馬按以員
方李善云梲附陽馬之短柄也陽馬四阿長桁也禁梲列
布承以陽馬眾材相接或員方也通作偏晏子春秋外篇
因問其偏梲何所枉春秋傳曰梲部薦榦者昭二十五
年左傳文彼云唯是梲梲所以藉榦者請無及先君注云

本書編牀版也編編皆以薦體在牀為編在棺為編

福

以木有所逼束也從木畱聲詩曰夏而福衡切彼即

以木有所逼束也者本書無逼字詩曰夏而福衡者魯

頌闕宮文傳云福衡設牛角以福之也箋云福衡其牛角

為其觸解人也易大畜童牛之牯侯果曰牯福也以木為

之橫施於角止其解之威也周禮封人設其福衡注云鄭

司農云福衡所以福持牛也杜子春云福衡所以持牛

令不得抵觸人元謂福設於角衡設於鼻如叔狀也

棗

編也棗薄也從木世聲與涉切

編也者編當為編類篇棗牀簣玉篇棗編也編即編之誤棗薄也者薄讀如蠶薄

標

積火燒之也從木從火西聲詩曰薪之標之周禮以

標燒祠司中司命余救切

積火燒之也者燒當為焚積火韻會引作積木六書故同玉篇積木燒之以祭天也廣韻同增韻積柴以燒五經文

字槩積木燠之月令收秩薪柴以共郊廟及百祀之薪燠
注云大者可析謂之薪小者合束謂之柴薪施炊爨柴以
給燎東京賦賜槩燎之炎煬薛綜注槩之言聚也謂聚薪
焚之揚其光炎使上達於天也詩曰薪之槩之者大雅
棫樸文彼作楮傳云楮積也箋云豫所以爲薪至祭皇天
上帝及三辰則聚積以燎之釋文楮字亦作槩周禮以
槩煣祠司中司命者春官大宗伯文注云槩積也風俗通
義謹案詩云芄芄棫樸薪之槩之周禮槩燎祠司中司命
司命文昌也司中文昌上
六星也槩者積薪燔柴也



柴祭天神或從示

柴祭天神者
柴當爲紫



息止也從人依木

許尤切

息止也者五經文字休象人息木陰釋詁休息也廣雅息
休也易否卦休否釋文休息也詩漢廣不可休息瞻卬休
其蠶織傳云休息也民勞訖可小休箋云休止息也襄二
十八年左傳吾乃休吾民矣注云休息也吳語以休君憂

注云休息也泰策戰攻不息高云息休穆天子傳天子四日休羣玉之山注云休游息也荀子大畧篇君子息焉小

人休焉

𦵏

休或從广

釋言麻蔭也郭云今俗語呼樹蔭為麻舍人曰麻依止也通作休淮南精神訓得休越下則脫然而喜矣高云蔕蔭也

𦵏

竟也從木恆聲 古切

竟也者廣雅同通作𦵏方言𦵏竟也秦晉曰𦵏或曰竟班固荅賓戲𦵏以年歲西都賦北彌明光而互長樂

𦵏

古文𦵏

韻會引徐鉉本竟也象舟竟兩岸臣鉉曰竟者竟極之也橫互之也詩造舟為梁梁橫互也馥謂舟竟兩岸言此古文象

也

𦵏

桎梏也從木戒聲一曰器之總名一曰持也一曰有

盛為械無盛為器

胡戒切

械也者一切經音義一通俗文云拘罪人曰桁械謂穿木加足曰械大械曰桁風俗通械戒也所以警戒使為善也易履校滅趾虞云履賁趾是也千寶曰履校貫械也王弼曰校者以末絞校者也即械也校者取其通名也書五流有宅五宅三居鄭注宅讀曰阨五阨是五種之器謂桎一桎二桎三公孫賀傳斜谷之木不足為我械顏注械謂桎也肅承後漢書萬良為父報讐自械詣獄魏畧賈逵自詣獄獄吏以達主簿也不即著械汝南先賢傳鄧盛為太尉諸曹掾左尚以贖罪拷驗盛到獄洗沐尚解械賜席北史魏太和四年詔隆寒雪降可遣侍臣詣廷尉獄及因所察饑寒者給以衣食桎者代以輕鎖一曰器之總名者詩車攻釋文引三蒼械總名也管子小匡篇備具其械器用孟子以粟易械器者注云械器之總名也文子堯使水處者漁山處者木使地宜其械械宜其人慎子行海者坐而至越有舟也行陸者立而至秦有車也秦越遠塗也安坐而至者械也墨子公輸篇公輸盤為楚造雲梯之械孫子謀攻篇其器械注云器械者機關攻守之總名呂氏春秋貴因篇靜立安坐而至者因其械也注云械器也

淮南本經訓人械不足畜藏有餘高云械器用也漢書貨殖傳器械之資顏注械者器之總名也木書兵械也周禮司書器械之數注云械猶兵也少儀不度民械注云械兵器也莊三十二年公羊傳俄而牙狄械成何云有攻守之器曰械干寶司徒儀中兵之任凡在軍者以時科其器械一曰持也者李善注長笛賦引作治也列女傳臧孫母曰吾子向有木治矣御覽引此文注云木治器也一曰有盛為械無盛為器者荀子榮辱篇注引同六書故引重木或說內盛為器外盛為械史記律書其於兵械尤所重正義云內成曰器外成曰械械謂弓矢戈矛戈戟後漢書公孫述傳名材竹幹器械之饒不可勝用注云內盛曰器外盛曰械

械

械也從木從手手亦聲

切九

械也者玉篇杆與柙同廣韻柙柙械廣雅柙謂之柙小爾雅同手亦聲者當為手聲

械

足械也從木至聲

切之

足械也者周禮掌四釋文引云柙足械也所以實地御覽引同廣雅械謂之柙小爾雅同音韻篇篇篇著曰柙參著曰

枯風俗通枯實也言其下垂至地然後吐情首實易屯卦
用說枯枯釋文云在足曰桎在手曰桎則禮大司寇桎桎
而坐諸嘉石注云木在足曰桎在手曰桎掌四上罪桎桎
而桎中罪桎桎注云鄭司農云桎者兩手共一木也桎桎
者兩手各一木也元謂桎手曰桎桎足曰桎中罪不桎手
足各一木耳月令去桎桎注云桎桎今械也桎手曰桎桎
足曰桎呂氏春秋孟秋紀具桎桎注云桎桎謂械桎足曰
桎桎手曰桎淮南時則訓仲春之月去桎桎注云桎桎也著
手曰桎後漢書鍾離意傳意遂於道解徒桎桎注云桎手
曰桎桎足曰桎漢書刑法志凡四上罪桎桎而桎顏注械
在手曰桎桎在手曰桎詩節南山維周之氏箋云氏當作桎
釋文云桎桎也正義云說文云桎車鐐也則桎是鐐之別
名耳餽案高注戰國策鐐鐐闔也孝經鉤命決孝道者萬
世之桎鐐馥謂本書
當有車鐐一義今闕

桎

手械也從木告聲

古沃切

手械也者周禮掌囚釋文引云手械也所以告天御覽引
同莊三十年左傳闕射師諫則執而桎之杜云足曰桎手

桎之釋名義登

重尚影養集

曰桎梏六年傳子蕩怒以弓桎梏華弱於朝杜云張弓以貫其頸若械之在手故曰桎列子楊朱篇重囚累桎注云桎手械也賈誼書君道篇紂作桎數千呢諸侯之不諂已者杖而桎之文王桎梏囚於羑里七年而後得免鄭志冷剛問大畜六四注持木以就足是施桎又蒙初六注木在手是日桎在手曰桎今大畜施桎於足不審桎桎手足定有別否答曰牛無手以前是當之



桎梏桎指也從木歷聲

郎擊切

桎梏桎指也者桎當為桎一切經音義十二通俗文考囚具謂之桎梏字林柳其指也韻會引繫傳謂以木桎十指而縛之也通作歷莊子天地篇則是罪人交臂歷指而虎豹在於囊檻亦可以為得矣



桎梏也從木斯聲

先稽切



桎也從木監聲一曰圜

胡點切

桎也者三蒼桎所以盛禽獸欄檻也漢有檻車以徵有罪一曰圜者廣雅檻牢也蒼頡篇圜檻類也淮南主術訓

故夫卷虎豹犀象者為之圈檻漢書董仲舒傳圈豹檻虎
司馬遷傳猛虎處深山百獸震恐及其在奔檻之中搖尾
而求食積威約之漸也外載傳上幸虎園觀獸熊佚出圈
攀檻欲上殿易林拘制籠檻不得搖動張載論白猿元豹
藏於檻檻何以知其捷劉氏新論通塞篇元猿之束於籠
圈非無千里之駛萬仞之捷然而不異羸鈍者無所肆其
巧也爾雅豕所寢圈方言其
檻及藩曰楬廣雅楬圈也



檻也從木龍聲

盧紅切

檻也者一切經音義十引同



檻也以藏虎兇從木甲聲

烏匣切

五音集韻櫛檻也所以藏虎兇也出說文玉篇櫛檻也

檻也者漢書谷永傳檻塞大異顏注檻義取檻柙之檻猶
閑也後漢書仲長統傳拱柙天人矣注云柙檻也以藏
虎兇者論語虎兇出於匣皇侃曰柙本並作柙馬融曰柙
檻也皇侃曰檻貯虎兇之器也唐王建表開柙出虎孔宣

說文解字義證

卷十七

奎

連筠移叢書

父不責他人穆天子傳七萃之士生搏虎而獸之天子命
為柙而畜之東虢是曰虎牢注云柙檻也韓非守道篇故
設柙非所以備鼠也所
以使怯弱能服虎也



古文柙

汗簡作 ㊦
屬口部




關也所以拚尸從木官聲

古丸切

古史考舜作瓦棺湯作木棺喪大記君大棺八寸屬六寸
俾四寸上大夫大棺八寸屬六寸下大夫大棺六寸屬四寸
士棺六寸注云大棺棺之表者也檀弓曰天子之棺四重水
兕革棺被之其厚三寸柩棺一梓棺二四者皆周此以內說
而出也然則大棺及屬用梓俾用柩以是差之庶人之棺四
寸鹽鐵論古者瓦棺容尸木板槨周足以收形骸藏髮齒
而已及其後桐棺不衣采棺不斂續漢書禮儀志王公主
貴人皆梓棺朱漆畫雲氣公特進梓棺黑漆後漢書趙咨
傳棺槨之造自黃帝始爰自陶甕建於虞夏猶尚簡樸或瓦
或木及至殷人而有加焉注云劉向曰棺槨之作自黃帝始

禮記曰殷人棺槨
蓋至殷而加飾

關也者棺關臂相近釋名棺關也關閉也所以揜尸者尸當爲屍初學記御覽並引作屍顏注急就篇棺所以斂身白虎通棺之言完也所以藏尸令貌全也

 棺也從木親聲春秋傳曰士與槨初僅切

棺也者御覽引作附身棺也廣雅槨棺也襄二年左傳穆姜使擇美槨以自爲槨杜云槨棺也襄四年傳定嬖蕞無槨注云槨親身棺後漢書鄧騭傳乃肉袒與槨注云槨親身棺也本草拾遺槨板古塚中棺木也於材最良千歲者通神宜作琴底增韻槨棺謂之槨馥案喪大記大棺八寸屬六寸槨四寸從外嚮內視身也曾子問君出疆以三年之戒以槨從注云親身棺曰槨檀弓君即位而爲槨注云槨謂地棺親尸者槨堅著之言也春秋傳曰士與槨者信六年左傳文杜云槨棺也小爾雅空棺謂之槨有尸謂之柩

 棺槨也從木彗聲祥歲切

讀文解字義證卷十七

室

靈戶楊氏某

宋書世祖紀敘楊卑薄可替更賻給務令豐厚 梁書昭明

太子傳若歿已無可以敘者為備棺槨 陳書文帝紀討陳

寶應將士歿王事者並給棺槨 唐書

斷李林甫棺更以小槨用庶人禮葬之

棺槨也者御覽引無棺字初學記引作小棺曰槨廣雅槨

橫棺也當為國漢書楊王孫傳窆木為槨顏注國即橫字

也橫小棺也北史李彥傳昔人以窆木為槨葛洪為緘昭

二十九年左傳衛侯來獻其乘馬塹而歿公將為之槨杜

云為作棺也秦詛楚文拘圉其叔父黃諸冥室橫棺之中

說苑昔堯之葬者空木為槨漢書高帝紀令士卒從軍歿

者為槨應劭曰小棺也今謂之橫成帝紀令郡國給槨槨

墓埋顏注槨橫謂小棺韓安國傳士卒傷歿中國槨車相

望顏注得小棺也魏志文帝紀諸將征伐士卒歿者或

未收斂其告郡國給槨槨橫斂注云應璩百一詩曰槨車

枉道路征夫不得休陸機大墓賦曰觀細末而問遲觀洪

橫而念槨北史魏延典三年詔令京師及天下囚未判枉

獄致歿無近親者給衣衾棺槨葬之不得暴露源賀傳吾

終之後所葬時服單槨明皇雜錄房琯寄居紫極宮暴卒

槨橫於宮中通作轎

白帖轎轎小棺也

𣎵

葬有木𣎵也從木𣎵聲

古博切

葬有木𣎵也者櫛𣎵聲相近廣雅櫛𣎵廓也孝經喪親章為之棺梓衣衾而舉之注云周尸為棺周棺為梓定元年左傳范獻子去其柏梓周禮閭師不樹者無梓注云梓周棺也檀弓夫子制於中都四寸之棺五寸之梓又云棺周於衣梓周於棺又云殷人棺梓注云梓大也以木為之言梓大於棺也喪大記君松梓大夫柏梓士雜木梓注云梓謂周棺者也鹽鐵論梓棺梗梓字或作櫛釋名櫛廓也廓落在于表之言也白虎通櫛之為言廓所以開廓辟土無令迫棺也急就篇棺櫛槨槨造送踊顏注櫛所

𣎵

槨築也從木曷聲春秋傳曰槨而書之

其謂切

周禮職幣皆辨其物而奠其錄以書槨之鄭司農云槨之若今時為書以著其幣可厲掌盜賊之任器貨賄辨其物皆有數量賈而槨之入於司兵司烜氏軍旅修火禁邦若屋誅則為明窆焉注云明窆若今揭頭明書其罪法也漢書酷吏傳便與出瘞寺門桓東揭著其姓名顏注槨棧也瘞棧於瘞處而書死者名也通鑑朱全忠斬蔣元暉揭尸於都門外

注云楊
舉也

揭桀也者詩君子于役雞棲于桀傳云雞棲于代爲桀文
選謝靈運擬劉楨詩暮坐括揭鳴李善注毛詩曰雞棲于
桀桀與揭音義同李燾本揭桀也韻會引徐鉉本同玉篇
有表識謂之揭桀也廣韻桀揭桀有所表識廣雅揭桀代
也周禮職金揭而璽之注云今時之書有所表識謂之揭
桀蜡氏若有外於道路者則令埋而置揭焉鄭司農云揭
欲令識取之今時揭桀是也春秋傳曰揭而書之者三
傳無此文昭二年左傳尸諸周氏之衢加木焉注云書其
罪於木以加尸上周禮泉府以其賈買之物揭而書之鄭
司農云物揭而書之物物爲揃書書其賈揭著其物也又
典婦功物書而揭之注云謂書其
賈數而著其物若今時題著物

鳥

不孝鳥也日至捕梟磔之從鳥頭在木上

古堯切

不孝鳥也者後漢書注引同詩流離之子陸疏云流離梟
也自關而西謂梟爲流離其子適長大還食其母故張奐
云鷦鷯食母許慎云梟不孝鳥是也呂氏春秋分職篇譬
白公之嗇若梟之愛其子也注云梟愛養其子子長而食

其母也史記封禪書祠黃帝用一梟破鏡集解云孟康曰梟鳥名倉母黃帝欲絕其類使百物祠皆用之桓譚新論男子畢康殺其母詔焚燒其廬暴其罪於天下余上章言宣帝時公卿朝會丞相語次曰聞梟生子長且倉其母寧然有賢者應曰但聞鳥子反哺耳丞相大慙君子之於鳥獸尚為之諱而況人乎後漢書朱浮傳造梟鳴之逆謀注云梟鳴即鳴梟也其子適大還會其母劉氏新論貪愛篇炎州有鳥其名曰梟偃伏其子百日而長羽翼既成倉母而飛日至捕梟磔之者日至日長至也漢進御有梟羹也一切經音義十三磔張磔也淮南說林訓鼓造辟兵壽盡五月之望高注鼓造謂梟

𦵏

輔也從木非聲

敷尾切

輔也者釋詁文彼作輔郭云備猶輔也呂荆率义于民裴彛傳云輔成常教洛誥聽朕教汝于棗民彛傳云聽我教汝於輔民之常而用之漢書孔光傳引書天棗忱辭釋之云言有誠道天輔之也韻會引繫傳輔即弓檄也馥案荀子性惡篇繁弱鉅黍古之良弓也然而不得排檄則不能自正楊倞注排檄輔正弓弩之器字或作棗管子輕重甲

篇十鈞之弩不得
葉機不能自正

閑 止也從木從門 候艱切

宋木小字本李燾本並無
此文本書門部有閑字

文四百二十二 重三十九

楨 似柿而小也

一切經音義十一引案玉篇楨在梨柿之間與本書次第合
云棗似柿也類篇楨枲棗似柿而小顏注司馬相如傳枲棗
即今之楨棗也古今注楨棗葉如柿實似柿而小味甘美廣
志楨棗味如柿晉陽楨棗肥細而厚以供御范子計然楨棗
出漢中郡齊民要術楨棗宜陰地種之陽中則少實又云柿
有小者取枝於楨棗根上插之晉宮閣名華林園楨棗四株
字或作孺楊慎曰孺棗俗作軟棗一名牛妳柿一名丁香柿
蜀中製扇以此果榨油染紙為之馥棗廣志棗有牛頭羊矢
之名羊矢
即楨棗

枇

說見
檣下

棟

說見棟下徐鉉新附棟棟
也從木策省聲所厄切

彙

本書彙讀如春麥為彙之彙案為彙之彙二
彙字當作彙廣雅斂彙者也廣韻彙重持

櫨

大木柵也

史記索
隱引

櫃

置也

御覽

柑以木銜馬口也

韻會引案宣十四年公羊傳柑馬而秣之

遺文七

東

動也從木官溥說從日在木中凡東之屬皆從東
切得

動也者廣雅同東動聲相近白虎通所以名之為東方者
動方也萬物始動生也尚書大傳東方者何也動方也物
之動也玉篇東春方也尸子春為忠東方為春春動也是
故鳥獸孕孳草木華生萬物咸遂忠之至也春秋元命包
春含名蠢位東方動春明達注云春之言蠢東之言動含
此名以白明白達也漢書律歷志少陽者東方東動也陽
氣動物於時為春春蠢也物蠢生乃動運官溥說從日
在木中者祭義日出於東太元是故日動而東本書果從
日在木上杏從日在木下馥謂亦官溥說

𣏟

二東𣏟從此闕

文二

𣏟

平土有叢木曰林從二木凡林之屬皆從林

力尋切

平土有叢木曰林者風俗通義林樹木之所聚生也蔡邕注典引云叢木曰林月令章句同薛綜注西京賦木叢生曰林釋名山中叢木曰林林森也森森然也詩擊鼓于林之下傳云山木曰林鄭注周禮地官林麓云竹木生平地曰林楚詞九章露申辛夷舛林薄兮注云叢木曰林曹大家注列女傳云竹木曰林

𣏟

豐也從林𣏟或說規模字從大𣏟數之積也林者木

之多也𣏟與庶同意商書曰庶草繁𣏟

文甫切

豐也者釋詁文彼作蕪廣韻無蕃滋生長玉篇無繁無豐盛也或說規模字從大𣏟數之積也林者木之多也者從大句絕徐鍇謂大𣏟為規模之模蓋誤讀也易乾卦或之者疑之也夏小正傳云或之者疑之也規模字或作撫

漢書韋元成傳其規撫可見 卅與庶同意者庶從其英
古光字從廿火亦眾盛意 商書曰庶草繁蕪者洪範文
彼作蕃庶傳云眾草蕃滋庶豐史記引作繁庶晉語黍不
為黍不能蕃庶注云庶豐也戴侗曰書云庶草蕃庶借用
庶字漢書無其亭
無湖皆單作無

林 木叢生者從林鬱省聲 迂弗切

木叢生也者詩晨風鬱彼北林傳云鬱積也正義云鬱積
而茂盛又有苑者柳傳云苑茂木也釋文云苑音鬱馥案
苑鬱聲相近都人士我心
苑結釋文云苑徐音鬱


林 叢木一名荆也從林足聲 創舉切

叢木者李善注謝元暉詩引同吳起論將篇屈軍荒澤草
楚幽磯張纘南征賦攢蕪積楚張景陽雜詩荒楚鬱蕭森
李善引說文森林叢木也馥案本引楚字訓誤作森 一
名荆也者本書荆楚木也一切經音義二楚一名荆漢書
陸賈曰秦莊王名故改為荆遂行於世戴侗曰楚荆也楚
地多產此故以名國荆楚一物也故楚國亦謂之荆以荆


爲支所謂夏楚也書扑作攷荆鄭注扑攷楚也鄉射
記楚扑長如筭詩揚之水不流束楚傳云楚木也


木枝條琴儷兒從林今聲丑林切

木枝條琴儷兒者李善注東都賦鳳蓋琴麗引作大枝
條也大當爲木又脫琴儷兒三字集韻琴木枝扶疎兒


木盛也從林矛聲莫侯切

木盛也者李善注蕭白馬賦引作盛也
漢書律歷志君主種物使長大楸盛也


守山林吏也從林鹿聲一曰林屬於山爲麓春秋傳

曰沙麓崩盧谷切

守山林吏也者蕭該漢書音義引字林麓守山澤吏徐鍇
曰周禮虞衡掌山澤林麓士若干人左傳山林之木衡鹿
守之是也書序虞舜側微堯聞之聰明將使嗣位歷試諸
難鄭注入麓伐木一曰林屬於山爲麓者信十四年穀
梁傳文彼作鹿范云鹿山足釋名山足曰麓麓陸也言水
流順陸燥也風俗通義謹按尙書堯禪舜納于大麓麓林

韻文解字義證 卷十七

堯

靈石楊氏

屬於山者也書舜典納于大麓釋文云麓馬鄭云山足也詩瞻彼旱麓榛楛濟濟傳云麓山足也箋云旱山之足林木茂盛鄭注周禮地官敘官林衡云山足曰麓又注秋官柞氏掌攻草木及林麓又注禮記王制山陵林麓並同列女傳有虞二妃傳選于林木入于大麓曹大家注云山足曰麓通作鹿漢志鉅鹿郡應劭曰鹿林之大者也十三州志鉅鹿唐虞時大麓之地麓則林之大者也易屯卦卽鹿無虞王肅本作麓云山足春秋傳曰沙麓崩者傷十四年經文服虔云沙山名鹿山足

林 古文從彖

從彖者鹿彖聲相近鄭注尚書大傳麓者錄也

林 複屋棟也從林分聲

切

複屋棟也者李善注七命後漢書班固傳注引竝同本書穩芬也徐鍇曰複屋皆重梁也廣雅芬闌也西京賦結芬櫟以相接五臣注云芬屋棟漢書張敞傳果得之殿屋重轅中蘇林曰轅櫟也重轅重芬中顏注重芬卽今之廊舍

也一過虛為兩廈者也李尤平樂館銘勢梁照曜三輔黃
圖營未央宮因龍首山以制前殿至孝武以木蘭為勢樟
文杏為梁柱吳志太史慈傳賊於屯裏緣樓上行嘗以手
持樓勢慈引弓射之矢貫手著勢通鑑元和十年京城大
索公卿家有複壁重椽者皆索之注云椽椽也

木

木多兒從林從木讀若曾參之參

所今切

木多兒者一切經音義十一引作多木長兒
也玉篇森長木兒張載七哀詩木落柯條森

文九 重一

十

艸木之初也從一上貫一將生枝葉一地也凡才之

屬皆從才

昨哉切

艸木之初也者集韻引作艸木之初生也五經文字同夏
侯湛兄弟誥惟正月才生魄通作哉釋詁哉始也書武成
哉生明傳云哉始也詩大雅文王陳錫哉周箋云哉始也
書往哉汝諧張平子碑作才列于遊於四方而不歸者何

人哉殷敬順本哉作才音哉又通作載詩周頌載見辟王
 傳云載始也昭七年左傳引詩陳錫載周從一上貫一
 將生枝葉一地也者徐鍇曰上一初生岐枝也下一地
 也五經文字才從一上貫二一象將生枝葉一象地

文一